

ኤሪትሮፖ: እት 8ይ ዋዕለ “ምሒጥ ህንድ” ትሻርክ



ኤሪትሮፖ: “ሄራር አስክ ሐድ ረከይ ሽራኩት በሐርዮት” ዲብ ሐንቴለ ትብል ስቅራት፡ የም 16 ፌብሩዌሪ እት መዲኒት መስቃጥ ምን ዲብል ትከፈተ 8ይ ዋዕለ “

ምሒጥ ህንድ” ሻርክት። እሊ እግል 8ይት ኢነቱ ገብእ ለሀለ ወዕለ እብ መትሰዳዳይ ህንድ ወምን ለትዳለ ዲብ ገብእ፡ ኤሪትሮፖ እብ ገብኣት እለ ዐዘመት፡

ወዚር ካርጅየት አሰይድ ዑስማን ሳልሕ እብል መርሐዩ ልኡክ ትወከሉት። ፍንጌለ ምስል ምሒጥ ህንድ ለልትሓደደ ድወል ሰዳይት ሕበር

እንዴ ትወቀለት፡ ዐቦት ዳይመት ወተጠውር አከዶት ለሀደፉ፡ እግል 2 አምዕል ለኣተላለ ወዕለ፡ 28 ወዚር ካርጅየት ለልትረከቦ ዲቦም ወካይል ዝያድ 40 ድወወል ወመኣሰሳት ሻርክው።

አግጦረ ድወል አፍሪቀ ወዕረብ እንዴ ትሳዴት፡ አምን ወግቦት እቅትሳድ እግል ተአድምን ዱሉት ክምተ አከደ።

ሓለት መንጠቀት ቀር አፍሪቀ እብ ከሰሰ ህዩ፡ ውሕደት ድወል እግል ትትሐሽም፡ መትኣታይ ድወል ብዕድ እግል ልትመነዕ፡ አምን ወመስኩብት ለቀር፡ ምስል ምሒጥ ህንድ መትጸባጥ ሰኒ ሰበትብ፡ እግል አከዶት መካሰብ ሕበር፡ ክለን ለከሰሰን ድወል እብ አሰሰ ቻርተር መንዘመት ምጅልስ ቅራን ሕዱድ እስትዕማር ወውሕደት አርድየት እግል ለሐሽመ ትፋኑ፡ ምስል እድንያይ ተቅዩር ሰዳሳት ለሳድፍ መታክል እግል ጋብሆት፡ ተጠውር ሕበር ወሽራካት ለክልቅ ኣብካት አህመዩቱ ዓበይ ክምተ ወደሐ።

ጋሽ-በርክ፡ ወዚረት ዐድል ምስል ልጃን ሽዑብ ተአመሕብር



ወዚረት ዐድል - ፎዘዩ ሃሽም፡ ዲብ አቅሊም ጋሽ በርክ ዲብ 161 እዳራት ደዋዩሕ እግል ትከወነው 805 ልጃን አው ሰብ ገጽ፡ ዲብ ቅዩም፡ ክምስልሁመ ዲብ ዓዳት ወነባሪ ወመናበረት መጅተመዕ ኤሪትሮፖ ለኣተንክብ - መዐዩ ለኣሳሳሱ አግቡይ አሰክቦት መሕበራይ ቀድያት እግል አሰተብዳይ፡ መምርሕ ሸቅል ሀበት። ዲብል ምን የም 12 አስክ 16 ፌብሩዌሪ ዲብ 11 ምዴርዬት ለወዴት ጀውሉት፡ ወዚረት ፎዘዩ፡ መጅተመዕ ኤሪትሮፖ ምርክ እት ድዋሩ እዳረት ነባሪ፡ አፍተሓት ሰኒ ለልትማሰል ዓዳት ለቡ፡ በሀል፡ ቅዩም ወተእሪክ ለመልክ፡ እቡ ልትመቃረሕ ወልትናበር ለዐለ ክምቱ እንዴ አሸረት፡ እሊ ነባሪ

ሕሹም ዲብ መደት ግድለ ተሕሪርመ ምን ሐዲስ ዲብ ወሼዕ ክምስል ጌሰ ሸርሐት። ወዚረት ፎዘዩ እንዴ አትሌት፡ ቅዩምን ለኢወክል መካይድ እብ በቃዕት እግል ጋብሆት ለገብእ ንዳል፡ መዝ ክሉ መጅተመዕ ክምቱ እት ተኣትፋቅድ፡ ዲብ ኣብያት ፍርድ ቀርብ ለሀለ ቅደይ፡ እብ ፍንጅይ ህዩ መሕበራይ ቅደይ፡ ዲብ መሓክም እንዴ ኢመጽእ ዲብ እሉም እብ ደረጀት እዳራት ደዋዩሕ ለትከወነው ሰብ ገጽ አው ልጃን እግል ልቅረብ ወሐል እግል ልርከብ መምሬሕ ሀበት። ለወራት፡ ምንኬንላ ሐል፡ ቅርድ ናይለ አከይ መቅርሕ እንዴ ነቀልክ፡ ፍንጌ ሰብል ጸገት(መትቃርመት)

ምን ልብ ለትገብሱት ዕሪት እንዴ ገብኣት፡ እግል ክሉ ጀሃት እብ ተኣተግኔዕ ገበይ፡ ለክላፍ ሐቱ ዶል ወእግል ዲመ እግል ባለሐቱ ለአመመ ክምቱመ ኣብረሀት። ወዚረት ፎዘዩ፡ ምን ደንግብር ርቦ ሰነት 2024 እንዴ አሰተብዳት፡ እብ ደረጀት ወጠን ዲብ 775 እዳራት ደዋዩሕ ይመማም ምስል ሀለው ሰብ ገጽ ናይ ሰልፍ ለወጅህ ወለመርቤ ልቃኣት ትወዴ ጸንሐት። ለልትሐዜ መዳለት ክም ገብኣ እብ ኣሳሰለ ተህየብ መምሬሕ፡ ሰብ ገጽ ረሰሚ ሸቅሎም እምቡታም ሀለው። ዲብ አቅሊም ጋሽ በርክ፡ ምን የም 24 አስክ 26 ጃንዋሪ 2025 ዲብ ኣርበዕ ምዴርየት ጋብእ ክምስል ዐለ ለልትፈቀድ ቱ።

ልኡክ ኤሪትሮፖ ዲብ 38ይ ዋዕለ እተሐድ አፍሪቀ ሻርክ

መትምማይ ቀድያት ሰፋረት ኤርትሮፖ ዲብ ኣተብዩ ቃይም፡ ልኡክ እተሐድ አፍሪቀ ወእቅትሳድ መፈወደየት አፍሪቀ አሰይድ ቢንያም በርኔ ለትመርሐ ልኡክ ኤርትሮፖ፡ “ዐድል እግል ውላድ አፍሪቀ ወእስል ናይ አፍሪቀ ለቡ ሽዑብ - እብ ተዐዊድ “እት ሐንቴለ ትብል ስቅራት እት የም 15 ወ 16 ፌብሩዌሪ ዲብ ኣዲስ አበባ እትለ ገብኣ 38ይ ርቱብ ዋዕለ እተሐድ አፍሪቀ ሻርክ።

ለዋዕለ፡ እብ ናይ 2025 መስኡል እንዴ ገብኣ ለተሐረር ርኢስ ኣንገለ ጃም ማንዌል ለትመርሐ ገብእ እት ሀሊ፡ ቀደመ፡ ምን የም 14 ጃንዋሪ አስክ 8 ፌብሩዌሪ እብ ደረጀት ወካይል ሳብት፡ እት የም 12 ወ 13 ፌብሩዌሪ ህዩ እብ ደረጀት ወዘራኡ ካሪጂየት እጅትምዓት ገብኣ።

ዲብ ሰለሰ-መጃል ዲብል ገብኣት ህደግ፡ ልኡክ ኤሪትሮፖ፡ መብዳኡ፡ ረከይ ወዐገል ሕኩመት ኤርትሮፖ ለትሸፊሕ ከሊመት አሰመዐ።



ለልኡክ እትለ ከሊመቱ፡ እተሐድ አፍሪቀ ለአቁመ አግደ ሰብብ ክምከሞት አፍሪቀ ሰበት ቱ፡ አጀዳድ ወአደቃብ ክምኩም አፍሪቀ ሕሰር እግል ልትህየብ ክም ወጅብ፡ ሰላም ወአምን እግል ልትኣከድ፡ ደግሽ እግል ኢልምጸእ ዳፍየት፡ ጀረ ምን ገብእ ህዩ እብ ገበይ ሰላም ሐል እግል ልርከብ ለቁመት ጀህት እተሐድ አፍሪቀ፡ ተሐድያት አፍሪቀ እብ በቃዕት ሐል ሰበት የአምጸኣት፡ ኣርትዶት-ሻፍግ ክም ለኣትሐዘዩ፡ ሐል መሻክል አፍሪቀ እብ አፍሪቀ’ ለልብል ፍክር እት ሀደፉ እግል ልብጸሕ ህዩ፡ መዳለት እግል ሊዴ ምህም ክምቱ ሸርሐ።

ልኡክ ኤሪትሮፖ እብ ተውሳክ፡ አፍሪቀ ዲብ እድንዩ ለተኣሰትህለ ኣካን እግል ትጽብዩ ለቀድር መጃል እግል ልጥፋሕ ለሰዴ ስትራቴጂ እግል ልትኡተን ፊክ ቀደመ።

ለወዕለ፡ ቀድያት ስትራቴጂ ሰላም ወአምን፡ ሕርያን ማርሓይ፡ ኣትካማል ሸክል እተሐድ አፍሪቀ፡ ክምስልሁመ ሚዛንየት ወኣርዛቅ ህደግ-ርሒብ ሐቀለ ወደ፡ ምህም ቀራራት ሓለፈ።

አስመራ፡ ዲፕሎማሲክን ጀራይም አበይ ዐፈው

ዲብ ኤሪትሮፖ ለመርካዞም ሰፋራእ ወዲፕሎማሲክን እብ መናሰበት ዕልብ 50 ሰነት ዝክረት ጀራይም መስታዕምረት ኣንዘመት ኢቶብዩ እት አስመራ ወድዋረ ለትዳለ ሰወር ዐፈው። ለሰፋራእ ወዲፕሎማሲክን የም 16 ፌብሩዌሪ እግል ዲብ ኣፊት

መብን እደረት አቅሊም ምግብ እግል ሽዑብ ክፋት ለአሰመን ዝያድ 50 መወክለት ላተን ሰራት፡ ፍልም ወሳይቅ ወተፋሲል አሰማይ ሐቀለ ዐፈው ፡ እተ ዱሉይ ዐለ ከራሰ ሰሚዲቶም ወረኣዮም ከትበው። እሊ ከእን ዲብ ሀሊ፡ ኤሪን

ለትሰእለቶም ሰከን አስመራ፡ ለምን የም 14 አስክ 16 ፌብሩዌሪ 2025 እግል ዕፌ ለትቀደመ ሰወር፡ ውዳይ ኣባይ ዝያድ እግል ለወድሕ፡ እብ በሐሰ ለተለ ሸቁል እግል ልግበእ ወክልዶል እግል ልትቀደም በክት እግል ልትከለቅ ኣትፋቀደ።

ዝክረት ሰር-ዘበን ጀራይም

መስተዕምረት አቶብዩ -አስመረ ወድዋራተ

ዝክረት 50 ሰነት ጀራይም መስተዕምረት አንዝመት አቶብዩ ዲብ ሰነን መዲነት አስመረ ወድዋራተ፡ እት ዮም 15 ራብርዋሪ 2025፡ እት ሚዳን ሄለል ሰብተምበር፡ ውዘረኡ፡ ሰብ ሰልጠት ጀብህት ሽዕብዩት እግል ዲዋቅራዋዩት ወዐዳለት፡ ብዕዳም ሰብ ሰልጠት ሕኩመት፡ ውቁላም ቅያደት ዲቭ፡ ሚርሐት ደያናት፡ ዲብ ኤረትርዮ ለመርከብም ዲፕሎማሲዩን ውላድ ካርጅ፡ ብዕዳም ዕዙማም ወእብ አላፍ ለልትዐለቦ ደረሰ ወሽዕብ ዲብ ሐድረወ መናሰበት ዝክረት ሐበን እብ ነያሪት ገብአት።

እሊ አክል ሕድ ሳዐት 4:00 አልዐስር ለአንበተ በርናምጅ ዝክረት አረይ መጅዘራት መስተዕምረት ለገብአው ሰነን አስመረ፡ ምነ አከዩ ሰናታት 1975-1976 እንዴ

ንዛም ደርግ ለአስመዐ ርኢሰ መመቅረሓይት ልጅነት አሰይድ አስመሮም ጸጋብርሃን ቱ። ህቱ ዲብ ሽዐብ አስመረ እብ መስተዕምረት አቶብዩ እት ሰነት 1975-1976 ለጀረ ጀራይም መጅዘራት እብ ዐሳክር ንትዘክር እት ህሌን፡

መስተዕምረት አቶብዩ ሽዐብን እግል ለአተብርኮ ወሰውረት ኤረትርዮ ለናድል ዲብ ወለአደቅብ ሴንዳይ መዋዋን እንዴ ሐግለት እግል ትብዴ ለኢሰተትወ ከይናት ወለኢትዐንደቀወ ሰለሕ ይዐለ።

ሀደፍ ንዳል ሽዐብ ኤረትርዮ ላኪን፡ እብ ሰልሐም ወተህዲዳዮም ለልትከረዕ ይዐለ። እብሊ ኤማን ወበታካት ሽዐብ ሰበት ጸብረው ወሰእየት በትከው ህዩ፡ መስተዕምረት አንዝመት አቶብዩ፡ “ኤረትርዮ ምድረ እንድኢኮን፡ ሽዐብ ኢሊአትሐዜነ” እት ልብሎ።



ጅልፈት ወመጃዝር ዲብ ፈሰር፡

- ሽዐብ እብ ዋለግ እንዴ ቃተለ ወእብ አሰላክ እንዴ ሻነቀ እት ሽዋሬዕ ቀደምለ ፈትዮም ሽዐቦም ማድዶም

- እት አብያት ሰከን ወመአሰሳት ዲብ ለአቱ፡ አንሱ አጀኒት ወደገልል እብ ረሳሰ ወሰንኪታት እት ለሓርዶ

- እት አካናት መዓብድ ክም ከናይሰ ክቱል ለዐለ ሽዐብ ወዲብ አብያቱ ምሰል ሐቦሶ ለዐለ ሕበር ዲብ ረሸፍ፡ ዝያድ 3000 ለገብእ አዳም ምን 1975 አሰክ 1976 ክም ከምደ አብረህ።

- እሊ ጀራይም አባይ በረ ምን አስመራመ፡ እት ከረ ወኪ-ድብ፡ በለዛ፡ ዐዲንፋሱ መርሐፍ፡ ጸሎት፡ ድርፎ ውበዕድ ድዋራት አስመራመ አብርሃኦ ሕበር ለቃተለ ወእሰክ ሰብ ገበይ እግል አግርህ ወምህር ለልአትቃብሎም ክም ኢትመሐከው ዲብ ወደሐ።

ሐቆሁ ከሊመት እዳረት አቅሊም ለአስመዐ ሓክም አቅሊም ምግብ አሰይድ ፍሰሃይ ሀይሌ ዲብ ገብእ፡ “ዝክረት 50 ሰነት ጀራይም መስተዕምረት አቶብዩ እት ሽዐብ አስመረ ወድዋራተ፡ ክትፈት ናይለ እት ኩሉ አካናት ኤረትርዮ ለገብእ ጀራይም አንዝመት ሀይሌሰላሴ ወደርግ ክም ቱ እት ለአበርህ፡ ሽዐብን ለተክለ እንዴ ኢገብእ፡ ዝያደት ለሰሕለ ወሰውረትን ክም ትደቀብ ለወደ ክም ዐለ አፍሀመ። ምን 1975 አሰክ 1991 ምጽአት ሕርሃትን ህዩ፡ ምን ሽዐብ

አስመረ ወድዋራተ፡ 11,948

ለገብእ አብርሃኦ ልትቀተሎ ዲብ ህለው ምን እሎም ለበዝሐው አጀኒት፡ አንሰ ወሽዓብ ክም ቶም ወእሊ ህዩ እብ ዓኒ ሽዐብ እግል ልበህር ለትህንደሰ ጀራይም አርዐት ክም ዐለ አከደ።

አራዌሕ አዳም ነሰኢ፡ ዘማቱ

ለገብእ ደረሰ መዳርሰ እዳራት ደዋዬሕ አቅሊም ምግብ፡ ወዝያድ 100 ተካሲ ምን መሕበር ተካሲ ኤረትርዮ ምን ባካት ነቀፈ ሃውሰ ለአንበተ ወዲብ ሚዳን ሄለል ሰብተምበር ለተመ አሴራር ፊቃደሆም ወደው።

እትለ ዝክረት ሰር-ዘበን



ወደማር ማል፡ አብያት ወንዋይ እት ክል ዳሕየት አስመረ ምት ሐ'በት ለኢሐድገት ጀኣረት ጀራይም ህዩ፡ ዲብ ሽዐብ 57 ድጌ አቅሊም ምግብ ክም ጀሬት አፍሀመ። ምክራዮም ለትቀዌት አብርሃኦም ክም ህለው ወለሕፍዝ ወሓዚ አሰማዮም አሰክ እለ ለአተላላ ክም ሀለ አከደ።

እተ ምሴት ሰንበት ንኢሽ ምን ሳዐት 3:00 አልዐስር አሰክ ሳዐት 6:10 እት ሚዳን ሄለል ሰብተምበር ለአተላላት ፊቃዶ ጀራይም እት ሽዐብ አስመረ ወድዋራተ፡ 5000

መጅዘራት አንዝመት አቶብዩ እት ሰነን አስመረ ወደዋዬሕህ ዝያድ 11 አልፍ ዕዙማም ሓድራም ዐለው። ሚዳን ሄለል ሰብተምበር ህዩ ምን ጎድ ዲብ ጎድ ምን ደረሰ ወሽዓብ እንዴ ትረገሐ ዶል ትርእዩ፡ “እብ አማን ዌርሰት እማነት ሹሀደእ ወመትኩብተት ሕሳል ዐማር ወጠን” ለልአተብል ቱ። ለበርናምጅም አውረሶት ወሓሊፎት ታሪክ ዲብ አጅያል ሰበት ቱ። ልእክቱ እት አካነ ባጽሐት ህሌት።

ለበርናምጅ፡ እብ ለትፈናተው ፈናኔን ምሰል ፍርቀት ሪም ከዋክብቲ እብ ሐልየት፡ አሸግር ወዳጋም ታሪክ ናይለ ምን ሞት ለነጀው እግል ዝክረትለ ሞተው ናይር እንዴ አምሱ እብ ነሺድ ወጠን ወዝክረት ሹሀደእ ተመ።

ሰንበት ዐባይመ እት አፊት ማርካቶ፡ መዕረጅ ሕራይ ሰወር ናይለ ጀራይም አንዝመት አቶብዩ ዲብ ገበል አስመረ ወደዋዬሕ እግል ዲፕሎማሲዩን ወገቢል ክሱት አጽበሐ።



አንበተ፡ እብ ዋለግ፡ ሶንኪታት፡ ሻናቅ እብ አሰላክ ፕያዮ ውበዕድ ሰለሕ ጸሊም ወጸዕደ ለትቃተለው አብርሃኦ እግል ፊቃደሆም፡ እብ እዳረት አቅሊም ምግብ ወመፈውድየት ዓዳት ወርያደት ለትዝመ እት ገብእ፡ እብ ዝክረት ሹሀደእ አንበተ።

ሐቆህ ከሊመትለ ዝክረት ጅልፈት ሰነን አስመረ ወድዋራተ እብ ጃእራም መስተዕምረት

ለለአሽዐልል ጀራይም መጅዘራት መትፈዳይ ተረት እት መሳልም ሽዐብ ወደው። እብሊ ጀራይም ሽዐብ ተሓረደ፡ ዳሩ፡ ማሉ ንዋዩ፡ ተዋቡ ወአብያቱ ኩሉ ነደ ወበደ።

ሰነት 1975 ህዩ፡ ሽዐብ አስመረ ወድዋራተ ጽልመት አምዕል ወላሊ ለረኦ ዲብ ክርበት ቃታል ለሓለፈ ዲብ ዐለት፡ ግራሃመ ጀራይም አባይ እብሊ ኢበዋረ” እት ልብል፡ ገሌ ምነ አባይ ልተብዑ ለዐለ ቃታል

ጸረትርዮ ዕጽዳክ

ክል አርቡዕ ለትጠ'በዕ ጀሪደት

መዳልያይ፡-

- መሐመድ እድሪስ

ለይአውት ወአርተዖት

* ዘህረ ዐሊ

* ፋዋነ አድም

ተለፎን፡ 121797/07121322

ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 163471-07588045

አትአመሮት፡

ተለፎን፡ 125013፡ ዕ.ሰ.ቡ፡ 1284



4^ይ ክፈለ

ሓላት ሓምድ እግል ትትቀየር ሰኖታት ዐለቡ። ሓላት ቅድዮት ገቢልናመ ክል ፈጅር ከእት ሐዲስ ቴለል እት ትትቀየር ተ ትገይሰ ለዐለት። ለእት ወድነ ግድለ ልትጋየስ ለዐለ ቅታል ከፊት ሚዛኑ አሰክ ሰውረት እግል ትርጀሕ “አዜ ቱ ወክድክም ወመደትክም” ትብል ለህሌት እት ትመስል። ርጅሐት ከፊተ አሰክ ሰውረት ትደለለት። ላመ እግሉ ዘከርነ መትቃደር ሓላት መአከይ ወኢመሰከብት እግል ሳሌሕ ገቢልነ ትምብረት ሰላም ወአማን እበን በሸረዩ። እለ ብሻረት እለ እግሉ እት የም ግድሉ። ምን ፈጅር ወአሰረ ሰአየት ለኢበትክ። በዐል መስተቅበል። ወሕጡዋ ኤታን። ፈጅር እት ሰአየቡ እግል ትብጸሐ ኦዋይን መስአየብ ሌጠ እንዴ ኢገብእ። ናይ ከም ወሬሕ ትዋገመት። ላመ እት ፍንጌ እለ ወሌህ ጭቁዋ እት እንቱ ነብር ለዐለ። መዋዋን አዜ በል እቡል ለሀለ እት መስል መጦር በዐል ሰብር ወከሀላት ግሳየቱ አጥፈሐ። ክህቱመ ምስል በዐል ሰብር እግል ልትጸገሶ አሰከ። አትቃመተ። አቤ! መራር ለደቅቤ። ጥዕምመ ትትበጸሕ። ሰአየት ለኢበትክ ላመ ከያል ዐለ እት ዋቅዕ ልትቀየር። ሕርየት እግል ትምጸእ ናይ ዕሉባም አውረሐት ተርፈያህ። ላለ እት ጽብሐተ ጽልመተ ትፈጅብ ክምሰለ ልቡሉ። ክሉ መዋዋን ናይ ደንጎበ ዕንዳቄሁ ሰደ እግል እት ናይ ደንጎበ ቀብር ዌራይ ልሻርክ። ንኡሽ ወዐቢ ዝኩም ወኢትክመ ቃሉት ንጋረት “አዜ ርድኦ” ለትብል መደወነ እት ምስሚዕ እዝን ለገብእ ኤረትሪያይ ትሰምዐት። “ወጠን። ‘ልክያክ ሳምዓመ ህሌነ ወአማውረ ጣይዓመ” ለልብል በሊስ ቃሉት እምበል መትሃግያይ ወመዐግላይ መባልሱ። ምን አፍ ገቢል እብ ፍዕል ትበለሱ። ክሉ ህዩ እተ መደት ለሀ ተሐት ወለዐል ሐፊትፊት እት ልብል ማን ወገለብ ሰዐ።

ሓምድመ እብ ሐቱ ክልኤ ዕምሩ እት ለዐልብ ሰነት 1988 ወድ ዐስር ሐቱ ሰነት ገብኤ። እግሉ ምስል ወቅት አሰክነ ልትደለል ለዐለ ሚዛን ሐሊት ዐስከርየት ደሚሩ እት ፈትዩ እግሉ ሰዐትብ ወለዐቤ ዐለ። እሊ እት ሰልፋይ ምስዳሩ። ወሰዕዩቱ እብ ወዲቅ ወመደውሻሽ ናደው እዝ ለአንበተ። እት ሰነት 1990 እብ ዐመልየት ፈንቅል ብርሃን ዐውቲሁ ትሰርገ። ዐመልየት ፈንቅል እግል ገድዋታት ሰምሀር እንዴ ጣየመት። እት ወቅት ሐጨር እብ ለዋው በሐር እግል እብ በዋክር አባይ ተአብዖርግ ለዐለት በሐርኑ። ምን ዌራይ እት እዴ ወድ ርሕመ እግል ትትዐዴ እት መሐጽ ክቡድ ወሰዱድ ምንመ ትካሬት። እት ወቅት ሐጨር እብ ተውሊደት ወድ ርሕመ ትበሸረት። ፈንቅል ክምሰለ ሰሚቲ። ዌሪይ ምን አቅሩዱ ፈንቅለቲ። ቅርድ ዌሪት ክምሰል ፈግር። ወቀጥፈቶም ክምሰል የብስ ወትትቀርጼ ለወዴት እብ ኑዕየተ ሰልፋይት ወናይ ደንጎበ ምስትንክር ወዐጃይብ ልትረኣ እተ

ዐመልየት ዐስከሪየት ኤርትራያይ ኤታን ዐስከሪ ተ!።

እለ ዐመልየት እለ እግሉ ክልኤ ዐመሊያት ወቀለተን። ርሕ መዐነውየት ገቢል ለአሰከበት። ወፋርስ ምሔርባይ እብ ወድነ ቅታል ክምሰል ትትወሰክ ለወዴት ናይ ዐጃይብ ታእሪክ ለሰጀለት ዐመልየት ተ። እት ሐያት ፍዕልየት እት ወድነ ግድለ ልትርኤ ለዐለ መትወቃል እንትሳራት ሰውረት። ወወዲቅ ንዛም ደርጊ በሸይረን እት ዐድ ወካርጅ ቃሉተን እብ ውቅል ክርን እግል አባይ ወፈታይ ሌሂ እንዴ ኢፈቱ ወእሊ እት ፈርሕ ወቀርድ ምስል አሰመዐያሆም። አቡነ መሕሙድ አዜመ እት ደሚሩ “ለአሰበረ ማዩ ጨረ” ለትብል ሕክመት እት ደሚሩ እት ትትወሰወስ እግሉ። እብ ሐዲስ እበ እግል ሓምድ ወልዱ እፍጉረ ለዐለ ሰሚት እት ልትሐበን። እት ጣሰሱ ወሻምሉ ልትርኤ ዐለ። እብ ክእኒ ህዩ። ለእት ደሚሩ ለዐለ ፈዳብ ወጠኒያይ ሽዑር እት ሽማል ወድ ለዐል አተንፈሰዩ ምኑ።

“አይወ! አነ ወድ ዕመር! ሰብር ለደቅበ ምን ሰድት እት ረሀየት በጽሕ። አሰናይ ለሀ እንዴ ሓለፍኑ። እትለ በጽሐኑ። ሐቆ ግዊት ጽልመት ሰፍጥ ፈጅር። ብሻረት ጽብሕ ምድር ህሌት። አሰናይ ህዩ። ወልዬ ሓምድ። ሓምድ ሰሚኮህ። ሰሚት ፋርስ ወድ ዐዋቱ። ወሐምዴ እግሉ ለሐቅ ምን ዝልም ፈናቱ! ካልቅ ምድር ወሰመ። ለኡቡይ ለአትፋቱ። ወእኪት ምን ሰጌት ለዐራቤ! ለእግል ዛልም ወዜምታይ እብ ውዳዩ በራሴ። ወበዐል ሐቅ ወእራደት እት ርሽመት ዐውቱ ለአትጋሴ! አቤ ለእግል ዌራይ ቅብላት በዐል ሐቅ ግልባብ ብሉሲት መላሸ። እለ ኢኮን ሕነ ምልዐሌሁ እት ሽባብ ዐውቱ ንትጋሴ!” እት ልብልቱ እብ እንትሳራት ሰውረት ልትፎፈል ወልትሐበን ለዐለ። ለበዐለ ገጽ አቡነ መሕሙድ ወድ ዕመር።

እብ ክእኒ ህዩ። ለናይ ደሚሩ ሕሳባት እግል ወልዱ እት ጣሰሱ ወሻምሉ ደግሙ ዐለ። “ሐምዴ! ሐምዴ ትትወጀቡ ኖሱ በዐልዩ! እትለ እዲነ ረቢ አምዕል ለሀበዩ ወመደት ለወሰከዩ። ምን ክልኤ ዔላህ ቀርድዕ። ምነ ጥዕመ ሰቱ ከእብ ዐውቱ በሸር ወልትበሸር። ከእግሉ ፈትዩ ውላዱ እብ ሰሚት ሐየት ወምሔርባይ ሰሚ። እብ እንትሳራት ሰውረት ሐሊብ ልትሀናፈት ለአመሴ። ሐቆ ሰብር ወከሀላት። ህዩ እት ጭሪተ በጽሕ።

ሐቆ ላሊ ሐላም ጽላም ሸርቀት ፈጅር ወበርሀት ጸሓይ ህሌት። ጽልመት እት ረኣሰ በርሀት ኢትትሸዩም። ረቢ ለአዳገመዩተ ላቱ ዳጊመ። ሕናመ በዲር አወላይ ምእተመር እብ ደሰቱር ሰውሪ መጣዋርን እግል ፈታይነ ወአባይነ ወደሐኑ። ሐሬመ እብ እንትሳራት እት ረኣሰ አባያምን እት መንበር ሕሽመት ትገሌኑ። እዴ ዛይደት ዐለት እዴኑ። ሐቆሁመ እብ አሰባብ

ክትልክም ህሌኮ ወሐሰብክም ምን ሄራር ወሰዐይ እት ሸሐግ አቅበልኑ። ዕንዳቄነ ላቱ ክሉ ክሉ ኢፈትሐናህ ወመርበይ ሄራርን ኢሰሐትኑ። ለሄራር ሊሪም ወልሕጨር። ወለገበይ ለእግሉ ትነተለት ትነተለት። ብጽሐትነ እት መቅሰድነ ላዝምቱ ለዐለ። ሐቅ እት ምቀደም ዝልም ኢደንን ወዝልምመ እት ረኣሰ ሐቅ ኢልትሸዩም። አማን ወሃተ! አይወ! እንተ ሓምድ ጣይ አቡክ! ለእግሉ ሰሙይ ለህሌክ ሰሚት። ሰሚት ፋርስ ሓምድ ዓውቱተ ከእበ ምን ንእሸሽ ንዩትክ ወምራድክ እት ረኣሰ አባይክ ወምስትዕምራይ ሞዳይክ ተአኪ ምንክ ለህሌት” እት ልብልቱ ደግሞ እግሉ ለዐለ።

ሸንሂት ወንዩት ሓምድ ላኪን ካልእ ዐለት። አክለ እንትሳራት ሰውረት እት ልትቀደም ረኣያተ። ህቱ ሐዞቱ እንዴ ኢለአወሬ እግል ኢልሕለፋ ሰበት ፈርሀ እግል ዕምሩ አትማረረ። አነ ምርትመ ዌራይ



ሸሂድ ሓምድ መሕሙድ ዑመር

እንዴ ይእቀትል ሕርየት እግል ትምጸእ ቱ በሀለቲ። ላለእ እግል ምርት ዋድቅ ዐስከሪሆም ምንዲ እት ረኣሱ ቅራር ሀግፍ ወእግሉ በደኑ እግል ኢልጸኔነ ምንዲ አረይም ሐዞቹ እውፋዩ ህሌኮ በሀለት ቱ” እት ልብል ምስል አርወሐቱ ጀውጥ ልውዕል ወልትመዬ ዐለ። ሓምድ እበ ምን ኡብሁ ሰምዑ ለዐለ። ፍሩግ ወጠንያይ መርበይ። እት ረኣሰ ዌራይ እቢ ወከራህየት ምስል ዕምሩ እት ደሚሩ ለዐቤ ለዐለ ፈዳብ ወጠንያይ ሽዑር ቱ። አክለ ምድር አጽበሐ ወአምስ እቢሁመ እት ረኣሰ ዌሪት ትወሰክ ተ ለዐለት።

ላመ መቃትሊን ለምን ድዋራት አፍዐበት አስተብደው። እብ ሐቱ ሰዕዩቶም እት ግንራራብ ወለዋው በሐር ቀዩሕ እብ በር እት ለአተንፍሱ እብ በሐርመ እበ እግሉ ለትመስል ዐመልየት ምስል አምዋጅ በሐር እንዴ ተሓበረው። በሐር ቀዩሕ ምስል ሰሚት ለናሰበ እብ ሕብር ቀይሕ ደግሞ ሰበቀው። መናድሊን አንሰም ወትብዐቶም ረኣሶም ቀደም ሌጠ ገብእ ሄራርም።

እብለ ህዩ። ትሐሪር ዐመልየት ፈንቅል እግል ሚነት ወመዲነት ባጽዕ እት ሐንቱ ውላድ ርሕመ እንዴ ተኦቱ ትርኤት። መሸነቀት እት ወሪድ ዌሪት ወዜምተት ህዩ እት ጨብብ መጽኢት። ዓስመትናመ አሰመረ እብ ክል እንክረ እብ መትሐሳር ክምሰል አፍ ሾመት ትሐየጠት እቶም። ጸሓይ ፈጅር ሕርየት ዕሉባት አምዴላት እት ተርፈ ምኑ። እት ቅንቤት በጽሐት። እተ ወክድ ለሀይ ቱ ሐልያይ ዳሽም ምስግነ እበ ጥዑም ለሐኑ። “ጸሓይ ፈግረት ምን ምፍጋር ጸሓይ ርኤኮህ ለብርሀት” እት ልብል ለሐሌ ለዐለ። ክም መዋዋን እግል እብ ተውሊደት ሐዳስ ኤረትርየ ልትበሸር እዘኑ ቁቅዕ ለዐለ።

ሓምድ መሕሙድ ክምሰል ክል ኤርትራ ፈርሐቱ ወቀርዱ እበ ሰምዑ ለዐለ ዐውቱታት እት ገብኤ። ለመአበይ ሰምዑ ክርን

ተለው ቱሉ። ሽዑብ ኤርትርየ ሚልካይ ሰያደቱ ገብኤ። አቡነ መሕሙድ ወድ ዕመር እበ ዝያድ ክሉም ውላዱ ለፈትዩ ሓምድ። ወእብ መናሰበት ሰሚቱ እት ልትሐበን በሻይር ሕርየት እብ ክልኤ እዝኑ ሰምዐዩ። “አይወ! ውላድ በዲርም ለእግሉ ትፈረረው ወለእቡ ለአትሳቅሮ ዳይ ክምሰል ለአወፋ ይቁን ዐልኮ። ክለ መዐነት ተ ዐውል ሐቆ ልትደፈዕ እተ ክምሰል ትመጽእ ወቅት ሊሪም ወልሕጭር እመርቱ። በስ አድብር ሳሕል ወጋድሞታት ሰምሀር ወበርክ እሰሌማይ ወክሰቴናይ ምን ደግሞ እንዴ ሐጽበው ሕርየት ጠበሽ ትቤ” እት ልብል ህቱመ ፈርሐቱ እብ ደሚሩ ወአፋሁ እት ሸርሐ ልትሰመዕ ዐለ።

እትለ ተለየ ሰኖታት ሽዑብ ኤረትርየ። ምን በሕ እንዴ አስተብደ። እግል ዐማር ሐዳስ ኤርትሪየ ዕንዳቄሁ ሰደ። ንኡሽ ወዐቢ ህዩ። እብ ምርት ለሐን “ብነ እተ አዜመ ዐድነ! እግል ኢትትደገም ምሸዊተ። ግድም ሐልፈት እኪተ እግል ዐማረ ንታሌ” እት ልብል ሕበር ሰሰዐ ወሰንቀ።

ላጅእ ለዐለ ዳሩ ወማሉ እት ጋንሕ። ምን አስተሸሀደ። ወምን መስከኑ ወምን ገብእ ፍንጌ ንዳል ወዐለዮ እት ዐራባት ከበር ለአብደ?” እት ልትበሀል ዕልብ ሐጸ ላቱ ሰአላት ምን አፈች ክል መትሰእላይ ወሐዘ። ሰር በኩ ወገሌ አሳቅረ። ገሌመ ፍንጌ ዝክሪያት ለሐልፈ ተየልል ውሁም እት እንቱ ተወው ቤለ ከትም እት ልብል አስቀቤ። ላመ ምን ወድነ ቅታል መጽአው መናድሊን ወቅያደቶም ተዐብነ ወትጀረሰነ እንዴ ኢልብሎ እግል ተፍሪረት ለዐለት ሓሪት ዕንዳቄሆም ሰደው። እብ ዋድሐት ገበይ ኤታን ፊራር ዐማር አፍገረው።

አቡነ መሕሙድ ወድ ዕመር ለእት ከርስ ወልዱ ሓምድ ድጉል ለዐለ ወጠንያይ ሽዑር ሕቦዕ ምኑ ሰበት የዐለ። እት ሻምሉ ወጣሰሱ እብ ክእኒ መክሩ ወነሰሐ ዐለ። “ሓምድ ግድም ጣይ አቡካቱ ሕርየት እብ ፈድል ረቢ ወእብ እስትሸሃድ ውላድ ወአዋልድ አሰሌማይ ወክሰቴናይ ሸፍር ዓይረት ህሌት። ዶር ናይክም ወለ አሰርክም ለህለው ሐውክም ወአማማምክም ቱ። ለፈደበ ወለተረደ ህዩ ዕልምቱ። እት ጢሾ ዕልም እንዴ ትዐገልክም ሐዞትክም ንሰኢ። ዕልም እንዴ እብል ህዩ። ዕልም ዲን ወእዲነ ቱ። እዲነ ለሐዘ። እብ ዕልምተ። ወዲን ለሐዘ። እብ ዕልምተ ልብሎ ዐለው መሻይክኑ። እግል እላመ እዲነ እምበል ሐዋን ውብቀዕ ምሀር ኢትትንበር። ፈንጎሕ ህዩ ዮም አመት ሲፋሁ ለኢወደ እግሉ ምን አየ ገብእ እግል ልትጸበር? (ለኢወደወ እት ህለው። ኢረክኩብ እት ሓሪት) ቤለ ለዘካፊናይ። እት ልብል እግል ወልዱ ሓምድ እግል ልድረስ ወልትዐለም እት መክሩ ልትሰመዐ ዐለ።

መሰውር፦ ኢብርሃም በየኔ

የ-ም ለእንቀድሙ እግልኩም በርናምጅ ሰሐፊ መሐመድ እድሪስ መሐመድ ምስል ጀማባቱ ዲብ ምዴርየት ድባርወ እንዴ ተሐረከው፡ ከደማት እጅትማዕየት ምዴርየት ድባርወ ለከሰሰ ምስል አሰይድ ፍሬወንኔል ተከሌሃይማኖት ሙዲር ምዴርየት ድባርወ ለወደወ መቃበለት ተ። ታምም ጽበዋ ዲብ እለ ናይ የ-ም ጥብባት እንቀድሙ እግልኩም፡ ቅራኣት በከተት።

**ዕመማይ ሐብሬ እብ ሰቡት
ምዴርየት ድባርወ እግል ተህበዝ**

ምዴርየት ድባርወ እብ 28 እድራት ደዋሒ ለትአሰሰት እብ ቅብለት ምስል ምዴርየት ጋለ-ነፍሒ፡ እብ ምፍጋር ጸሓይ ምስል ምዴርየት ደቀምሐሬ፡ እብ ግብለት ምስል ምዴርየት መንደፈረ፡ ገሌ ክፋል ህዩ ምስል ምዴርየት ዐረዘ ትትሓደድ። እብ ሰካን ዶል እንርእየ ዝዶድ 20 አልፍ ዓኢለት ወእብ ትንፋሰ ዝዶድ 85 አልፍ ሰካን ከምክም። መናበረት ሸዕበ ለበዝሐት ዲብ ሐርሰ ለተንክቦት ተ። እሊ እብ ጀራዲን ወእብ ሐ.ን ከረም ለልትሐረሰቱ። ለጀራዲን ምን ዘበን ቅዱም ለጸንሐ ወሰኒ ነሻጣት ለገብእ እቱ ተ። ክም ከንቻሰዮነ እንዴ ገብአው ዲብ ተዋብ አሐ ሕልብ ለልትፈረሮ መ ህለው። ገሌ ሑዳም ህዩ እብ ነሻጣት ትጃረት ልትናበር። እብ ፅሙማይ ዶል ልትርኤ ሳኪን መናበረት ናይ እሊ ሸዕብ እሊ ዲብ ሐርሰ ለተንክቦትተ።

**ከደማት እጅትማዕየት ዲብ እለ
ምዴርየት ሚ መስል፤**

ሸቦብ እለ ምዴርየት ራክቦ
ለህለ ከደማት፡ ዲብ መጃል ዓፍየት
ለቦለየ 6 መአሰሳት፡ አዜ ሐቲ
ሳብዕት ትወሰከት ወሐቲ ዕያደት
ሌጠ ለቦለት እሰብዳልየት መዕየ
ጋብአት ህሌት። ሰቦት እሊ ዲብ
እሊ መጃል እሊ ብዙሐ ሽቅልቲ
ሸቁይ ለህለ። ምን ኣላት አሰክ
ናይ መጸበሪ ዐመሲ ወናይ ሶላር
ከደማት እብ ሕኩመት ወመባደረት
መጅተማዕ ጋብእ ህለ። እብ
ፍንቱይ ናይ መጸበሪ ዐመሲ ዲብ
ክለን ለዕያዳት እግል ልግበእ ክም
በርናምጅ እንዴ ትጸበጠ ልትሸቁቡ
ህለ። ብዕድ ናይ ነዳፊት በህለት
ሽቃቃት በርናምጅ ክም ፈግረ ዲብ
ክለን እዳራት ደዋሐ እብ ለሐሰ
አግቡይ ክም ልትሸቁ እንዴ ገብአ፡
ሸቦብ ዲብ እሊ ወክድ እሊ ሸን
ምን ዲብ ከደን ፍግረ እንዴ በጥረ



ክሉ መትኅፍዓይ ሸቃቃት ጋብእ ሀለ። ሰበት እሊ መጃል ዓፍፍት ዲብ ታብዖት ወአውጀዶት ከደማት ዲብ ለሐሰት ደረጀት ሀለ።

ከደማት ተዕሊም፡ ናይ መዳርስ መአሰሳት ዲብ ክለን እዳራት ደዋሐ ህለ። ዲብ ገሌ ዐዶታት ህዩ ምስል መካሪት ናይ አርድ እግል አጀኒት ነዳይሽ ለኢልጥዕም ሰበት ገብአ ናይ ረውደት ወአስክ ሳልሳይ ፈሰል ለበጽሕ መዳርስ ሽዑብ ኖሱ ክም ሸቅዩ እንዴ ገብአ ምስል ውዛረት ተዕሊም እብ መትፋሃም እት ብዙሕ ባካት ክም ልትከሰት ጋብእ ህለ። እሊ ህዩ ፈሃም ሸዑብ ዲብ ተዕሊም ሰኒ ዐቢ ሰበት ህለ፡ እግል ተዕሊም ለገብእ ማል ዶል ልትበህል እብ ከኣሩ እንዴ ትመዩ ውላዱ እግል ልድረሶ ምነ አለቡ ለልጠሉብ ማል ለሀይብ ትርእዮ። እሊ ለአምጽአዩቱ ህዩ ከደማት ተዕሊም ዲብ ክሉ እግል ልትባጸሕ ምስልለ ሕኩመት ብርምጅቱ ለህሌት ዝያድ ለኣትናይት ጋብእ ለህለ።

ኪዳን ጽርግ ወመዋሰላት፦



እሊ ምዲሮች መሻክል ናይ ጽርግዮ ዐሊ እግሊ እትሊ ወክድ እሊ ላኪን ሐል ራክብ ህለ። ለበገሐ ሸቂይ ህሊ ገሌ ለኢተመ ክም ከባሪ (ቢንዮታት) ውበዕድ እንዴ ሐደግኩ። ናይ ባት ጽልመ ኣግቡይ ህዩ ሰኒ እኩይ ለዐለ ዲብ ወክድ ከረም ክሉ ረኢሱ ወወክድ ሐጋይመ እግል ትትሐረክ እቲ

ልትቀደር ለኢ.ዐ.አ፡ አዜ ላኪን እብ መባደረት ሸዑብ ወመሸርዕ ዐዲ ሃሎ ዲብ ብዙሕ ዐዶታት እበ ለረክበን መካይን እግል ልትሐረክ ለልአቀድሩ አግቡይ እጡፋሕ ህለ። እሊ ምስለ ለህለ ናይ ተዕዲን አሸቃል አዜመ ዝያድ እግል ልትሸቄ ክም በርናምኛ ዱሉይ



ህሊ። ናይ ጉሕ-ጨወ ህዩ ምስል ናይ ጽልመ እግል ልትሓበር እብ ሸዑብ ልትሸቁ ምንመ ህለ ክቡድ ሰበት ገብአ ናይ ሕኩመት ሰዳይት እንዲ ገብአት እግሉ እግል ልትሸቁቴ፤

፡ ሰበት እሊ ምስል አስነዮት ናይ
አግቡይ መዋሰላት ሐራት አስክ
ዐዲ ፈለሰቲ እግል ለአሰብዳቱ፡
ናይ ጉሕ-ጨዓመ ህላ። እብ ብዕድ
እንክር ህዬ ናይ ዐዲ ሸረፊቶ አስክ
ዐዲ ጽንዓይ ለገይሰ ህላ። እብ ዓሽ
ጎልጎል እንዴ ወደ አስክ ዛውል
ለበጽሕ መ ከደማት ሐራት ህላ።
ሰበት እሊ ለከደማት መዋሰላት
ደሐን ህለ እግል ልትበህል ቀድር
ሐትሐቲ ክም ናይ ከረ ሸኬቲ
ጥላብ ለህለ እንዴ ሐደግከ።

ከደማት ማይ፦ ናይ ማይ
ከደማት ዲብ እሊ ወክድ እሊ ቱ
ዝያድ ልትአታቴ ለሀለ። እሊ ህዩ
ምስለ በዲር ለዐለ አዜ እብ ሶሃር
ክድመት ማይ ለልሃይብ ዐወለ ክም
ልትሐፈር እንዴ ገብአ ዲብ ብዙሕ

ባዮት ሸዕብ ነዳፊቱ ለትእክደት ማይ እግል ልሰቱ ቃድር ህለ። እሊ ዲብ ግሮጭዕ፡ እብ 4 ሚልዮን ነቅፈ. እብ መቅደረት ሸዕብ ናይሊ ባዮት ወሰዳይ ሕኩመት ውዛረት ማይ ወድዋር ለትሸቀ ዲብ እሊ ለሐልፈ ወክድ እንዴ ትደሐረ ክድመት ለህይብ ህለ። ሸዕብ እሊ ምዴርየት ህዩ ለበዝሐ ነዳፍ ማይ ረከቡ። ለህሊ መሻክል ናይ መዲነት ድባር ወላኪን ንሳዕ ሸቅል ለሐዘ ህለ። በዲር ለትሐፈረ 11 ዐወሊ ምንመ ዐለ ሁቱ መሪር ሰበት ጉበኣ እግለ ምኑ ማይ ለወዝዕ ብንባታት እንዴ በልዑ ዲብ ቀበት 10 ሰነት ለኢጉበኣ ወክድ ክሉ ክርቡ። ኣዜ ታርፋት ለህለየ ሰለሰ ሌጣተን ህተንመ ቅድር ለሐዘየ ለህለዮተን። ሰበት እሊ ኣሳሲ ሐል



አሰይድ ፍሬወንጌል ተክሌሃይማኖት

ለህሉት። ነቲጀት ናየ ህዩ ገቢል ክእፎ ሐሊብ ወነቲጀት ሐሊብ ረከብ ለገንሕቱ። ብዕድ ዘርእ ሕሩይ እግል ሐረሰቶት ናይ ሂበት በርናምጅ ሰበት ወዱ እሊ እግል ገቢል ሰዓይት ጋብእ ህለ። እምበል እሊ ዲብ ወክድ ዘርእ ናይ ትራክተራት ክድመት ምን ቅሩብ እግል ንርከብ ቃድራም ህሉኑ። ብዕድ ሐድ 3 አልፍ ለገብእ ቅወት አዓም መ ዲብ እሊ መሸርዕ እንዔ ትፈረረ እብ ድራሩ ለዐይር ወለመድ ሽቅል እግል ልጠውር ሳዲ ህለ።

ምዲርየት ድባርወ ለህላ ዲበ
ከይራት ናይ ተዕዲን ውብዕድ
ክእፎ ተአሰተፍድ ምኑ፤

ለህሊ ከደራት ሰልፍ ለልትርኤ ከዛናትቱ እሊ ህዩ ዐቢ ርዝቅናቱ አሰክ እሊ ሸቂይ ለህሊ 80 በጽሕ። ለዐባይ ክም ገርገረ ወዐዲ ሃሎ ዲብ እሊ ምዴርየት ህሊ። ብዕድ ናይ ተዕዲን እሊ ባካት ናይ ጠቢዐት ነሐሴ ደሃብ ወሲልበር ክሉ ህሊ። አግደ መዓድን ህዩ ነሐሰ ለትወቀለ ጽበጥ ወብዝሐ እብ ደረጀት እዲን ለልትጃገርቱ። ክም ሰካን እሊ ምዴርየት ህዩ ለነሰተፊዱ ሸዐብነ ዲቡ እንዴ ትፈረረ እብ ለህበቱ ለልደናዑ ወምን ኬን ምዴርየት እብ ደረጀት አቅሊም ወወጠን ለእንክሰቡ ምኑ ደክል ቱ ለልትርኤ። እምበል እሊ ለህሊ ብዙሕ ወቅዱም ገዳማት እግል ሲያሐት ጀዛብ ለገብእ እቡ አግቡይ እንዴ ትበርመጀ ልትሸቂ ህሊ እብ ሰዓይት ሕኩመት። ምን እሊ ወኬን ክም ከረ እምብላሕ ለልትበህል አድብል ብዙሕ ጽበጥ ላቡ ህሊ አሰክ ናይ ግራናይት እበን ወሽምሽም እንዴ ኢተርፍ ህሊ። ክም ታሪክ ህዩ ድባርወ ናይ በሕረ ነገሲታት ዓሊመት ሰበት ተ እሊመ ክም ርዝቅ ናይ እሊ ምዴርየት እንዴ ገብእ ለልትረቀብቱ።

እት አክር ምዴርየት ድባርወ በይነ እንዴ ፈንቴክ ለትርእየ ኢትን፡ እብ ደረጀት ወጠን እሊ ተጠውራት እሊ ሕክሙት ምን ብፅዓም እንዴ ኢንታኬ ነፍሰነ እንዴ ቀደርነ ዐድነ እግል ንጠውር ትከድሙ ለህሉት ለለትዓጅብ ካድምቱ ለአሳሰ። እግል እሊ ለከድም ወክም ገለድ ለወርሰ ወለአተላሌ ሸባብ ማልካም ሰበት ህሌነ ህዬ ክም እሊ ናይ ድባርወ ዲብ ክሉ ለገብእ ወራታት እብ ዐውቲ እግል ልትመም ሳእየቼ ዐባይተ።





ልጁን ይግኝ

ሓይላም ቄርአት፡ ቀደም 50 ሰነት ንዛም አቶብዩ እት ረአስ ሽዑብ ኤራትርያ ለአጅረዩ ጀራይም እሊ ወእሊቱ እንዴት ትቤ እግል ትፈሰሱ ሰዱድቱ። እስትዕማር ዲብ አስመረ፡ ዲብ አቅርዶት ሕርጊጎ ወእምቤረጫ ቅያስ ለአለቡ ወለለሽዐልል ጀራይም አጅረ። እሊ እት ሰነት 1975 ቀደም ሰር ዘመን ለጀረ ጀራይም እብ ዶልዶሉ እግል ልሽረሕ ቱ። ከእብሊ እት ረአስ ሽዑብ ኤራትርያ ለጀረ ጀራይም ቅያስ አለቡ። ከዲብ አስመረ ወድዋራት ዲብ ሰነት 1975 ለጀረ ጀራይም ምኑ “ለኢብዴ ደም” እብ ልብል አርእስ መለሰ ንጉሴ ዲብ ክታብ ጀራይም ለክትብዩ ቅሶት እግል ንርኤ። ከእግል ዮም 1ይ ክፈል፡

እግል ፋይሐት ዘሪባት እንዴ ረኤኩ፡ ለመብን ዲብ ወክድ ሰኒ ለትሸቀ መሰል። ሺለት ወሰርሺሰ እግል ለአሸቄ ለቀድር ምንማ ቱ። ሰርሺሰ ሌጠ ለትብን እት ጭምቢት ሐረት ቱ። እግል ጭምብወ እንዴ ሸምክ ዲብ ከርሱ እግል ለኣቱ ላኪን ለለሽዐልል አዋይን ብእ ቱ።

አምዕል ሰንበት ንኢሸ፡ ጽብሕ ምድር ሳዐት 9:00፡ 01 ፌብራይር 1975 ምን እት ሰላሳ አምስተኛ እት ልትብህል ለልትአመር ዲብ ባካት ናይ አዜ እስብዳልየት ሐሊበት ለህለ መዐስከር ጃሽ አቶብዩ ለትብገሰው ፅንዳቄ ታመት ለቦም ስሉሓም ዐሳክር፡ እግል ምር ሀደፍ እግል ልብጸሕ ክምሰል ትብገሰ፡ ምሒርባይ ጃሽ ህንዲዶ ዲብ ልብል፡ እግል ዝባን ሰንቀይ ወረው። እት ዶሎም ህይ ዲብ ቤትቤት ዲብ ለኣቱ እግል ልፈትሾ፡ ወለጸንሐዮም አዳም እግል ልቅተሎ ወማል ሽዑብ እግል ልዝመቶ አስተብደው። ላጽሕ ሽዑብ ዲብ ቀትሎ ወመምተለካቶም ዲብ ዘምቶ ህይ ዲብ ዘሪባት አሰይድ ብላት ክፍለጽኖን በጽሐው። ክምሰል ሰብ ደሐን ባብ ቀርቀፈው። ናይ ደሐን ክምሰል ኢኩን ላኪን እመር ዐለ። ሰበቡ፡ ዘብዋ ወመውዲ ልትሰመዕ ልሰመዕ ሰበት ዐለ። አሰይድ ብላት ክፍለጽኖን እንዴ ተአሰረ ነብሕ ለዐለ ክልቡ ጀር እንዴ ቤለ ካንሺሎ ከሰተ። ሰለሕ ለጽብጠው ሰቦዕ ዐሰከሪ እብ ሸፋግ አተው። መናዱቁም እንዴ ወጀሀው እግል ከንሺሎ ትዘረአው



እቱ። ዲብ ከርሰ ቤት እንዴ ኢለኣቱ፡ እመናይ ገዚፍ እንዴ ረፍዐው እግል ዲብ ቀበት ቤት ለዐለት ሾልክሰዋገን መኪነት ቤት እንዴ ሸወጠው ግዝፈ ፈረሸክ ወደው። ዲብሊ ቤት እት

ሞሻት ትኩይ ለጸንሐዮም ጸሕሊ ጽብሕ ክምሰል በለሰው፡ እሳት ገጸ ለዐለ ዐቦረገት ወሃልሃል ትቤ። ግሪ እሳቱ እት ከርሰ ቤት ለአተው።

ዲብ ከርሰ ክምሰል አተው፡ ትክ እንዴ ቤለው አስክለ እት ብን ጽግዕት ለዐለት ከረዳንሰ (ሳይድ) ንሰው። እንዴ ፈተሸው ለለትሐዝዮም ሐቆለ ነስአው ለተርፈ መምተለካት እንዴ ገልበው ዲብሊ ምድር ፈንጠረውክ አስክለ ካልኣይት ቅርፈት አተጀሀው። ዲብ ምር አርማድዮ ዐቢ ጸንሐዮም። እግል አርማድዮ እብ ሰደፍ መንዱቅ እንዴ ሰብረው ከሰተው። ዲብ ቀቡቱ ምን ጸንሐዮም ለለትሐዝዮም መምተለካት ነስአው። እሊ ክሉ ወዱ እት ህለው፡ ዓይለት አሰይድ ብላት ተው ብህላም እት እንቶም ማሎም ዲብ ልዘመት ለአቀምቶ ዐለው። ለዐሳክር፡ “እግል እሊ ክሶቱ መፍትሕ ሆ!” ልብሎ ይዐለው። ወለ ክሱት እት እንቱ ለጸንሐዮምቶም ሰብሮ ለዐለው። እግል ቤት እብ ክሉ እንክረ ክምሰል ፈተሸው መራትብ እንዴ ኢተርፍ እብ ሶንክታት እንዴ ባክአው ዔረት ወኢትፈረረት ወአደው።

ዲብ ክል ዘሪባት ናይ ዝባን ሰንቀይ ሞርሓት ልሰመዕ ዐለ። ዘብዋ ሰበት ዐለ፡ ለኢበጽሐዩ አዳምመ አስክ በክቱ ተምም እብ ፈርሀት ዲብ ለርዕዴ ዲብ ቤቱ እንዴ ደበአ ልታኬ ወለቀምት ዐለ። ለዐሳክር፡ ምን ጠረፍ ለዐለት መስከብ እንዴ ፈግረው አስክ ኮረድዮ ገይሶ እት ህለው፡ ተለፎንላ

ቤት ዘብጠ። አሰይድ ብላት ለአተሰላ ነፈር እግል ልትከበት ተለፎን ሀረሰ። መተሰላይ ምን መዲነት ባጽዕቱ ለዐለ። ደሀይ ናይለ ዲብ ቤት ብላት እጅራም ለዐለው እግል ለአምር እንዴ

ቤላቱ ለአተሰላ። ለዐሳክር ዲብሊ ሸባክ እንዴ ገብአው አስክ አሰይድ ብላት አቅመተው። ተለፎን ጸብዋ ክምሰል ረአው፡ “ቁም” ለትብል መአበይ ክርን አስመዐው። አሰይድ ብላት ዲብሊ ዐለ እት አካን በዋረ። ምር ምን ዐሳክር ባሩደቱ እንዴ ዐመረ ዘብጠ እቱ። ድማናይ ስምጡ እንዴ ሸወጠ ህይ አውደቀዩ። ደም ዲብ ገርቡ ትከዐ። ወድ 12 ሰነት ንኡሽ ወልዱ ላይኔ ባክ አቡሁ ዐለ። በዐል ቤቱ አሰይደ አበበ ተክሉ እብ ሓለት እት ቅያስ አቱት። አሰይድ ብላት ደሙ ክምሰል ትከዐ እት ዶሎ ትንፋሱ ፈግረ። ለዐሳክር እግል እሊ ለሽዐልል መዋዲት እሊ ሐቆለ ወደው ለልዘመት እንዴ ዘምተው ምን ከንሺሎ ፈግረው።



ዓይለት አሰይድ ብላት ሰሰ ውላድ ለበ እት ገብእ፡ ብክር ወልዶም ወድ 14 ሰነት፡ ለነኣሸት ህይ ወለት ሐም ወርሕ ዐለት። ዲብሊ ኢነት ለሀ፡ ብክርም እት ቤት ግዋሬ ዐለ። ምንእሹ ላይኔ ላኪን እግል ለሽዐልል ቴለል ምን ቅሩብ ልትፈረጃ ዐለ።

“እግል እት ወክድ ለሀይ አቡዩ ለቀትለት ክርን ርሳስ አስክ እሊ እት እዝንይ ህሌት። ለዐስከሪ ሰበጣነት መንዱቁ እንዴ ወጀሀት ዝናድ እንዴ ኢልሰሕብ ዲብ ገጽ አቡዩ ለዐለ አዋይንመ አስክ እሊ ልትረኤኒ። ክምሰል ወድቀ ለአስመዐዩ ሞርዓን ሐጨርመ አስክ እሊ ሃድል ምን ልብዩ ኢብዴ። ለቀንጽ ዲኢኮን እት ምክራሩ እግል ዲመ ለልሳረሕ ኢመሰሌኒ። ደሙ እግል በላዋ ሕንጉር ዐለ። አስክ እሊ ለሃሰት እሻረቱ ይኣብደ። ለበላዋ ዲመ ሰድ አቀምቱ ለኬልም አምዕል ለሀ ትዘክረኒ።

ዲብሊ አደም ለሀይ ግናዘት እንዴ ኢትትረፈዕ አምዕሎታት ከልእ ዐለ። ረብሸት ሰበት ዐለት፡ ለላቅሰ ልግበእ ወለቀብር አዳም እግል ትርከብ ሰኒ ሱዱድ ዐለ።

“ዲብ ባካት ባር ዘሊ ነብር ለዐለት ዐመቼ ጸሃይቱ ተለፎን አተሰለት። ‘ሐዩ ቀትለው?’ እንዴ ትብል ትሰኣለት። ኣነ ላኪን ‘ኢኮን ዲብ እዳሁ ዘብጠው’ እቤለ። ለወክድ ዲብ ትሰዴ መጽሐተኒ። እግል ንቅቡሩ ለኢልትሐሰብ ቱ። ዘብዋ ልሰዕ ኢተሀው። ክል ነፈር

እት ቤቱ ጫፍር ዐለ። አቡዩ ለቀንጽ መሰለኒ ሰበት ዐለ፡ ዲብሊ ዐለ እት አካን አትቀባብል ዐልኮ።”

ግናዘት አሰይድ ብላት ወቅት ዲብ ነስእ ክምሰል ንሰት፡ ዲብ ካንሺሎ እግል ትትቀበር ለልብል ሕሳብ መጽእ። ኢጸንሐ ለሕሳብ ለሀይ ትብልሸ። አቃርብ፡ ግዋሬ ወመሻቂቱ እት ልትዓወዋ እግል ግናዘት አስክ እስብዳልየት ኢተገ መንን (ኦርተ) ነስአው።

አሰይደ ጸሃይቱ ዮም እት ሐያት ይህሌት። በዐል ቤተ አሰይድ ተክለ ወልደትንሳኤ ላኪን ለሐደስ ፈቅድ ዲብ ህላ፡ ገርቡ ዲብ ለሽዐልልቱ ለለኣክዩ።

“በዐልቤቼ (ሕቱ እግል ብላት)፡ ለምሽክለት ክምሰል ሳይፈት ተለፎን

እንዴ አተሰለው እት ክምሰል ንሰት፡ ሐሀ ማይት ጸንሐዩ። ብላት እት ፈጅር ለሀ እብሊ ቤቹቱ ሓልፍ ለዐለ። ማህዩት ምን እሊ እት ንያለ ለህሌት ባንከት ነስእ ዐለ። ሰንበት ንኢሽ እስቡሕ ማህዩቱ ክምሰል ነስእ ዘብዋ ልሰመዕ ሰበት ዐለ፡ ‘ጽንሕ ኢቲጊሰ’ ብህሉ ዐልኮ። ላኪን ‘አጀኒት እበይኖም ህለው’ እንዴ ቤለ አበ እይ። ‘እብ ሰላም አቱት’ እንዴ ቤለ ህይ እትሱል እቼ ዐለ። እንዴ ይእጸንሕ ህይ ከበር ሞቱ ሰምዐ። ግናዘት እንዴ ኢትትቀበር ሐቆለ



አስመነት፡ ኣነ እግል ፖሊስ አሰኣልኮ። ‘ሚ ተርኡነ ህሌኩም?’ እምቤሎም። እት ወክድ ለሀይ ፖሊስቶም እግል ክሎም ልሞተው አንፋር ገናይዞም እንዴ አክበው አስክ እስብዳልየት



ነስኡም ለዐለው።”


እት አደም ለሀይ ዲብ እስብዳልየት ገናይዝ ብዙሕ ክሙር ዐለ። ምንትፈናተ አርካን አስመረ ለተአራቱ ለዐለ። ገርቦም ሰበት ትናፍሐ። ስሜቶም ለትኩተብ እት ወረቀት ዲብ እገርም እንዴ ተአሰረ እሎምቱ እት እስብዳልየት ከሩምም ለዐለው። ሐቆ መደት ሐጫር ህይ አቃርብ ግናዘት አዳምም እንዴ አሌለው እግል ልንሰኣ ተሐበረዮም። አሰይድ ተክሌቱ ህይ ግናዘት ብላት እግል ልንሰእ አስክ እስብዳልየት ለኔሰ።

“ግናዘትኩም እንዴ አሌሌኩም ንሰኣ ክምሰል ቤለው፡ አናቱ ቀደም ክሉ ዲብሊ እስብዳልየት ለኣቱቱ። ምንከር ለለሽዐልል ቴለል ቱ። ገናይዝ ሙዱድ ዐለ። ብላት ህይ በዐል ገርብ ወብዋረት ሰኔት ቱ። አጊድ እግል ትፈርጉ ኢለሐይለኩ። ገናይዝ ዲብ ካይድቱ ግናዘት አዳምክ ለትነስእ። በለሊትን እብ ደም ሕንጉር እት እንቱቱ እግል ብላት ለአፍገርናሁ። ዲብሊ ምን አካን ሸቅሉ - ቃኘው ሱቱሸን ለመጽኦ ሰንዱቅ እንዴ ኣቱነ ዱቅሪ አስክ መቅበረት እንድ-ማርያም እንዴ ንሰነ ቀበርናሁ። ብላት ፈታይ አዳም ሰበት ዐለ፡ ውላድ ዝባን ሰንቀይ ቀደምን ዲብሊ መቅበረት እንዴ ሐለፈው ምስልን ቀብረው።

ለዓይለት ሐቆለ ጀሬት እት ጀሪመት እስትዕማር፡ ለሰለሰ ውላድ ወሰለሰ አዋልድ አስክ አቃርብ ትፈንጠረው። መሰፍን ወዮዲት ዲብ አስመረ ለዐለ ዐመቶም፡ ኤልሰ።



“ቀለም ወተጃርብ ለህይወት ምን ረከብኩ ሐዳይሰ ኢጉብኣነ” ዳይነ ዜነብ እብራሂም



እት ምዴርየት አቅርደት እት አወላይት ደረጃት መሕከመት(ቤት-ፍርድ) ዳይና ተ። ዜነብ እብራሂም መሐመድ ትብህል። ህቲ፡ እት ሰነት 1979 ዲብ አቅርደት ትወለደት ወዲቡ ዐቤት። እት ሰነት 1989 ሀዬ እት ሰውረት እት ጀብህት ሽዕብየት ተሕሪር ኤረትርየ ፈግረት። ወእት ጸብረ መድረሰት አስተብዴት። አስክ ሕርየት እት ድራሰት እንዴ ዐለት ሐቀሁመ አተላላት። ዜነብ እሊ አዜ ራፍዐቱ ለሀሌት መዝ እብ ከአፎ በጽሐቱ ወኪል ወካሊት አክባር ኤረትርየ ምዴርየት አቅርደት ሰሕፊ ሓጅ ሚጃር እት ወደየ ምስለ መቃበለት ለቀደመዩ ዲበ አወላይ ሰላልቱ። ዜነብ ትቤ፡

አነ እንዴ አመርኩ፡ ፈሀምኮ ወሐሰብኩ፡ ኖሼ እንዴ ለሐዘክወ ኢመጽኣት ዲብ እለ አካን። ሰልፍ ናይ ካልእ ደረጃት ድራሰትኹ ክም አትመምኩ፡ ዲብ ውዛረት ዐመል ወደማነት እጅትማዕየት ምስል ሽዕብ እሸቁ ዐልኩ። እቱ ዲብ አኑ፡ እብ አቅሊም እት ሐንቲ ሕኩመት ለሸቅየ አንሳት ዶረን እግል ልትወቀል ለሀደፋ በርናመጅ መጽአ። ወእብለ ውዛረት ለተሐፊን አንሳት እት ሰነት 2001ቃኑን ደረሰኒ። አነ እት 2002 እትለ መሕከመት ሸቅልዬ አንበትኮ ወአዜ ዳይነ እንዴ ገብኣኩ እሸቁ እት ሀሌት።

እት መሕከመት ሐቀ ሀሌክ ምስል ብዙሕ አዳም እግል ትራኩብ ወቀድያት ብዙሕ እግል ትሕለልቱ። እሉ እግል ቲዴ ሀዬ ዕልም ካፊ፡ ተጅርበት ብዝሕት ወፈሀም ውቁል ለሐዘ። ከእንቲ እት ሸቅል ክም ትዩመምኪ ለመዝ ኢኩብደ ዲብኪ፤

አማንተ እት ሰልፍክ ክቡድቱ፡ እግልሚ፡ ለለአምር ወለኢለአምር ሐቱ ኢኩን። አነ ከዜነብ መሕከመት ሓጅት ትርድት እንዴ ገኣት ትሰመዐኒ ዐለት። እት ሙጅተመዕ እንዴ አቱክ ለቃኑን ደውለት ወለቃኑን ለሽዕብ ልትናበር እቡ እንዴ ፈሀምክ ወአትመሳኔክ እግል ትሸቁ ሰኒ ክቡድቱ። ለእለ ተሀዩብን ድራሰት እንዴ ሰጀዐተነ ወለሐውነ ለሀበወናተ ሰዳየት ዐባይ እንዴ ትነፈሰን እት ሸቅልን ትበገሰኒ። ክሰሰን ለሰነት ለክድመት ነሀይብ ዐልናሃተ 2002-2003 ለናይ ጁብ ትብህል እነሰኣ ለዐልነ አግሩሽ 140 ነቅፈ ዐለት። ላኪን ሕነ እግለ አግሩሽ ኢኩን እንረኤ ለዐልኩ፡ ለድራሰት እለ እንረክብ ዐልናተ ለሚዛን ትትሀዩብ። እግል ንአምር ለሐዘኑ ሰበት ዐለው ወሕናመ እግል ንድረሰ ምራድ ሰበት ዐለ እኔ፡ ክም ሐዳይሰ ኢጉብኣነ። እበ ሒለትናተ ለህቶም ሀበወናቱ አምር እንዴ ንትነፈዕ እግል ንሸቁ ትበገሰኒ። ምስል

ሙጅተመዕ ከአፎ ትትዓመል፡ ቀድያት ከአፎ ትጸብጡ . . . ህቶም እብ ፍዕል ደርሰዉ ወዲብናመ እብ ፍዕል ሓለፈዉ። ምነ ሰርትፍኬት ለእለ ነሰኣነ ህቶም ለአድረሰዉናቱ በዜሕ።



እበ ህቶም ወደዉ ጅህድ ወኣነ ነፍሼ እግል እጠውር ለወዴክዉ ጸገም አዜ አልሐምድለህ ዲብ ደረጃት ሰኔት ሀሌት እብል።

ዳይነ እንዴ ገኣክ ከመሸክለት እግል ትሕለል ዲብ ጣውለት ሐቀ ሀሌክ ሻኪ ወሸኩይ እግል ክልኢቶም ምስል እግል ተአፍርሐም ክም ኢትቀድር እሙርቱ። ለሚዛን እግል ትዕቀብ ለሀሌት ከባደት ከአፎተ፤

እብ ጠቢዐቱ ቃኑን ክልኦት ነፈር ኢለአፈሬሕኒ፡ ለነፈር ለሐቂቀት ርኢ ዲቡ ወዝያደት እሰባት ለቡ እግለተ ለትትሐክም። ከለክልኦት እብ ሰን ኖሶም በረ ምነ መሕከመት እንዴ ትፋሀመው ወእንዴ ተግረው ዶል መጽኡክ ሌጣቱ ክልኢቶም እንዴ ፈርሐው ለፈግሮ ምንክ። ሰኔትለ ሙጅተመዕ ሀዬ እላተ፡ እብ መፋሀመት ወዕሬ ቀድያቶም እንዴ አትመመው፡ “ሕነ ተግሬነ ለመለፍ(ገፍተር) ልትደበእ እነ” እንዴ ቢለው ሐቀ መጽኡ፡ ቃኑን ኢልዐርድኒ፡ ኖሱ እግለ ለሐዘ። ለሙጅተመዕ ሕድ

እግል ኢልክሰር፡ አከር እግል ኢልጽብጥ ለቃኑን እንዴ ፈሀመ፡ ለሰሕት ሀለ እግል ለአቅብል ውቀት ለሀይብ ወእብ ዕሬ ጀርቦ ልብል። ዕሬ እግል መሕከመትመ ጸር ሸቅል ወውቀት ለአቀልል እለ።

መሻከየት እት መሕከመት ብዙሕ ውቀት ተአበዴ፡ ምን ዕለት- ዕለት እንዴ ትጉብእ እግልክ። ከ”ምን ሕኔት እት መሕከመት አንገን ላቱ ረቢ ጥሉቅ እቱ ሀሌት!” እንዴ ቤለው፡ ሐቀም ለለአበዱመ ልትረክቡ፡ ከእት እሊ መስል ሓላት ሚ ምክር ተሀይቤ፤

መሕከመት አዳመ እግል ተአትዕብ ኢኩን ግሲት ለሀሌት። ሐቀ እግል ተአፍግር፡ ጀራይም እግል ትክረዕ ወዲብ መጅተመዕ ሰላም ወመስኩብት እግል ትመደድቱ ጋብኣት ለሀሌት። ምሮ ሐቁ እግል ለአፍግር ለለሐዘ ከእት መሕከመት ለመጽኡ፡ ውቀት ወማል ክም ክልፋ እሙርቱ። ቀድያት መደኒ ገብኣ ምንገብእ ከለቅረመ ፋህማም ወሰንያም ሐቀ ገብኣው፡ መሕከመት እንዴ ኢበጹሕ



ላኪን ክምስልሁ ኢልትረኤኒ። ላመ መጽኣነ ቅደይ ሕቡሉክ ወእብ ዕሉታት ሰነት ወክልኤ ሰነት ሽዕብ ለለአትዕብ ኢኩን፡ አልሐምድለህ መስኩብት ቡ እሊ በለድ።

እለ አወላይት ደረጃት ትትብህል ለሀሌት መሕከመት ከአፎተ፡ ለመሓክም ደገጊት ልትብህል ለዐለ እብለ መሕከመት እለ ቅዩር ሀለ መ ከአፎቱ፤

ለመሓክም ምንመ ትቀየረ ለቃኑን ኢትቀየረ። በዲር ሽዕብ ምን ቅሩብ ክድመት ቃኑን እግል ልርከብ ጋብእ ዐለ። ለዲቡ ሸቁ ዐለውመ እት አፍዝያት ወአስቀት አምር ቃኑን እት ሽዕብ ግዴት ዐባይ ወደው። ለሙጅተመዕ ሕድ ሰበት ለአምር ለክልጥ ሀለ ኖሶም እት ገበይ ደሐን እግል ልብለሱ ቀድር። ለቅረመ፡ ለበዜሕ ሸክህም እብ ዕሬ ለአስኩብ ዐለው፡ ገሌ ሐድ ለዐል ቅድረቶም እት አቅሊም ለሓሉፋ ዐለው። አዜመ ለሸቅል ህቱቱ።

ዳንዩ እት ጠቢዐቱ ወፈሀሙ ከአፎ እግል ልምሰል ቡ፤

ጠቢዐትክ ለሸቅልቱ ለልሐክመ፡ ሸቅልክ እግል ትምሰል ብክ። ነፈር እት መሕከመት ለሸቁ፡ ሰብር፡ ህዱእ ወሐጠር እግል ልምለክ ብእቱ። ምስል መጅተመዕ ከአፎ ትትፋሀምመ በሰር ለአትሐዘ። እት መሕከመት ለሀሌት እክ አካን ከአፎተ፤ ወእት በረ ሀዬ ሚ እንተ፤ ኖሰክ እግል ትርኤ ብክ። እት በረ እት አካናት ኢቂመትክ እንዴ ትረኤ ዐልክ። እት ቃኑን እንዴ መጽኣክ ሽዕብ እግል ትሕክም ለሙጅተመዕ እግል ልትከበተ ክቡድቱ። ለገቢል ፋህምቱ፡ አደብክ ወመግልሰክ ኢኩን አስክ ልብሰትካመ ዐውለ ለሀይቤ። እንሳን ታፊህ ሐቀ ትገብእ እግል ቃኑን ምንመ ለአትተርም እግልክ ለአቀ’ለክ። ከምን ለመጅተመዕ ለሸወሀክ እበ ሓጅት እግል ትሰለም ውሙጅተመዕክ እንዴ ትመስል ወአካን ቃኑን እት ደረጃት እት ትረፈዕ እግል ትናበር ብክ።

ወ/ው/አ/ኤ/ም/አቅርደት ሓጅ ሚጃር

ልተላሌ



50 ሰነት ዝክረት ጀራይም መስተዕምረት አንዝመት አቶብዩ ዲብ ሽዑብ አስመረ

ወደዋይሐ እት ሰነት 1975 (1ይ ክፋል)

እሊ ናይ ሰነት 1975 ጀራይም አባይ እት አስመረ ወደዋራቲ፡ ሓዳይ ምን መስተዕምረት አንዝመት አቶብዩ እት ሽዑብ፡ ማሉ ወንዋዩ ለአጅረየ መጀዘረት-ሕበር (Genocide)

ክምሰል ቱ እግል ክሉ ፍሁም ቱ።

ከዲብ አግደ አርእስነ በሀለት ዝክረት 50 ሰነት ጀራይም አባይ እት አስመረ ወደዋራቲ እንዴ ኢነኡቱ፡ ስያሰት መስተዕምረት አንዝመት አቶብዩ እት ኤረትርዮ ወሽዐበ ከአፎ ክም ዐለት አመሮት ምህም ቱ። ሰበቡ፡ እበ ስያሰቶም እት ልትመርሐ ቱ ጀራይም ወዱ ለዐለው።

ሐጸይ ሀይሌሰላሴ እተ መደትለ ሰልፉ፡ እግል ሽዑብ ኤረትዮ እብ ለትፈናተ አብሳር እንዴ ቃሸሸ፡ ኤረትርዮ እት ሐንቱ እስትዕማሩ እግል ለአትያ ቱ ለሐሰብ ለዐለ። እብ ድዱ ላኪን፡ ሽዑብ ኤረትርዮ እብ ቀላል ኢበርከ እሉ። እት ሰነት 1961፡ ሰለሕ እንዴ ረፍዐ ንዳሉ አተላለ። እብሊ በገሰ ሽዑብ ለደንገጸ ሐጸይ፡ እት ሰነት 1967 እት አስመረ እተ መጽአ ዲቡ ወክድ፡ “እግል ኤረትርዮን ድባዋ ዲብ አስመረ እንዴ ጀምዐዮም፡ ውላድኩም ሽፍትነት ሰበት ፈግረው፡ አቶብዩ ናይ አምን ወእቅትሳድ መሻክል እቱ ከርያመ ህለው። አቶብዩ ህይ፡ ምድር እንድኢኩን፡ አዳም ኢለአትሐዝዮ” እት ልብል ለተበዐዩ ስያሰት በደ ውደሐ እግሉም ዐለ።

ምን እለ ስያሰት በደ እንዴ ትበገሰው ህይ፡ እት ሰነት 1967፡ ዴሾም እንዴ ከሰአው እት ኤረትርዮ እብ ተማመ ወእብ ፍንቱይ እት ቀላቅሎታት ኤረትርዮ ለልክሸዐልል ቃታል፡ ደማር፡ ዘማቱ ወቃጫፍ ዋድያም ቶም። እለ ተቃሪም’መ ለሸሀደ እተ ጀኣረት፡ እግል ታሪክ እብ ዋጅብ ስጅልት ህሉት። እምበል እሊመ ንጉሰ ሀይሌሰላሴ እት ሰነት 1970፡ እብ አዋምር ዕልብ-66 ናይ 1970 ለልትአመር ካልኣይ ደገሰ ፈነ አወጀ። እተ መደት ለሀ ህቱ።

“እስትዕማርን እግል ልትከበት ለኢለሐይ፡ ለገብኣ ልግበእ አዳም ሀለ ምን ገብእ፡ እግል ልንበርመ እግል ንሕደጉ ኢኩን” እንዴ ቤሉ፡ ሸንርበ በታተን ለኢትቦዴ እብ ዓመት እት ኩለ ኤረትርዮ፡ እት ሶነ ወበስክዲራ ህይ እብ ፍንቱይ ለወደዩ ጀሪመት ሰመዕ በሰር ቱ።

ንዝም ምንግሰቱ ሀይሌማርያም’መ፡ “ኩሉ ሸይ ገጽ ቀደም አሰክ ጀበሀት ቅታል” ዲብ ልብል ወልግዕር፡ ደም ንዋይ እት ቅርረት እንዴ መልኣ ዲብ ወራውሩ ርእያው ሕነ። እብሊ ዋይዲባቱ ህይ፡ አሰክለ መንግሰቱ ዲዳቱ እንዴ ሀበ ምን ምድር ኤረትርዮ ለሀርበ እቱ ወክድ፡ ወዴሹ ቅፊቱ እንዴ ረፍዐ እብ ቅልጭምን ለትዳገክ እቱ

አሌላት፡ እግል መሳልም ሽዑብ እኪት ወለት እመ አርአው።

እት ኤረትርዮ፡ “ጀሪመት” ለትብል ዘዐት፡ እግል “ጂኖሳይድ” ለትብል ከሊመት ለትብልልመ ኢኩን። “ጂኖሳይድ” በሀለት አሰል-ታርፌ እግል አብደዮት ፊራሮታት ሀረሶት ሰበት ቱ። ለ“ጀሪመት” ትብል ዘዐት ምንዲ ትለመደት ድኢኩን፡ “መጀዘረት አው ፊነ” ምን እንብለ ልትፈጸል። “ጀሪመት” ለትብል ዘዐት ህይ፡ እብ ዓመት እግል ኩሉ አጅናሰ ለልክሸዐልል አፍዓል ቃታል ወቃጫፍ፡ አደሚ እት ብዕዳም ክምሰልሁ ለምሰሎ ሚንኣድም እግል ወድዩ አከይ-መዋዲት ለትሸፊሕ ዘዐት ቱ። እሊ ህይ፡ ዕምር አው ጅንስ እንዴ ኢትፈናቱ፡ ደገልል፡ ሸባብ፡ ዐመሰ፡ አግሩዝ፡ እተ ኢታኸወ ወለኢሰአወ ወክድ እብ አመተ ይአምር፡ ምስል

ሕድ ዕልደም ወአስማዮም እግል ልድለው ሰዱድ ገብእ።

ሰበት እሊ ዐደድ ናይለ እት ቀበት መዲነት አስመረ ምን አብደቶም እት ልትዋለው እብ አባይ ለትቀተለው ልግበእ፡ አውመ እት ሸዋሬዕ ወአካናት መትፋግዲ እብ ጅምለት ለትረሸነው መዋጥኒን እብ አላፍ ለልትዐለዐ ምንግ ቶም፡ እብ ሰብሰለ ለዐል ለሀደግናሁ አሰባብ ይአምር-ሕድ ወሬሕ-አፍግር፡ አክል-ሕድ ተፋሲል ዕልብ ማይታም ምንመ ኢልትአመር፡ እተ ሸዑብ እብ ጀህት-ጀህቱ ለረአዩ ዕመማይ ሐቃይቅ፡ ብዝሓም እብሊ ጀራይም እብ ጅምለት እንዴ ትቃተለው እት ፈረም ምስል ለትቃበረው መዋጥኒን ክም ህለው አመሮት ለአትሐይ።

ዓመተን፡ እብ’ለ ተሐልፍ ትመስል ለይዐለት ጽልመት-ሐራስ



እብ መጃሚዕ ወአፍራድ እበ እግሉ ረከብክ ኣላት ቃተሎት በሀለት ቱ።

እብ ዓመት ህይ፡ እት ኤረትርዮ እብ ክርባጅ መስተዕምረት አንዝመት አቶብዩ ለኢተምተመ ድጌ፡ ቂሾት አው መዲነት ዐለት እግል ኒበል ኢልትቀደር። አስመረ ህይ፡ ክም ሕምብረ ወአግደ መገሰ አከይ-አፍዓል እስትዕማርም፡ ምስለ ብዕድ መዳይን ኤረትርዮ ዶል ነአትጃግረ፡ ሀድፍ ናይለ በዝሐ አከይ-መዋዲቶም ክም ዐለት፡ ናሶም ለልኡመ አማን ቱ። እምበል እሊመ ዐሳክር አቶብዩ፡ እብ ትርኢኔ ዲበ ሽዑብ ለልትፋጋዕ ዲቡ አካናት ሰተይ፡ መቃሂ ውበዕድ አካናት ተምሸዮት እንዴ አተው፡ እግል ሽዑብን እብ ህደማይት ወመጃሚዕ ቃቱሉ ነብረው። እት ክእነ መስል ጀራይም ለሞተ አዳም፡ ኢኩን ባኩም ለዐለው አንፋር እግል ለአመሮም፡ ምና ሞት ለፈግረውመ፡ አክል

ናይ እስትዕማር፡ ብዝሓም ምን እት ቀበት አስመረ ለዐለው መዋጥኒን፡ እብ ለትፈናተ ዘዶታት ወአሻይር ሻርሓመ፡ ህለው። ዎሮ ምን እሉም መናድል መሰፍን ተሰፋይ ቱ። ህቱ ዲብ“ለሐድረ ለአሰእል” ለልብል ክቱቡ፡ እግል ቀደም ሰውረት ፈጊሩ እተ ምን ሰነት 1975 አሰክ 1976፡ እት ሰነን አስመረ እብ ዐሳክር ደርግ ገብእ ለረአዩ ጀራይም እብ ክእነ ሸርሐ።

ህቱ፡ “ ሰነት 1975 አሰክ 1976፡ እግል ሽዑብ አስመረ፡ አሰባሕ እንዴ ትፈረርከ ምሴ እብ ሰላመትክ ለኢትዐይር ዲበ ሰነት ጽልመት ዐለት። ለሰቡቤ ህይ እብ ምሻጠት ጭገር፡ መባትክ ገርብኩ፡ ልብሰት ውበዕድ አሸዩኦ “ወምበዴ በሀለት ሸፍታይ ሰበት ትመስል፡ ወእብ ዐቡሁመ ኤርትራ ሰበት እንተ ትትቀተል ወትትጃዜ።” ሰበት ዐላቱ። እት ሚ ወእብ ሚ አሰባብ

ክም ትትጃዜ ወትትቀተል ህሊካመ በሊስ አልቡ።” እት ልብል፡ እብ ዋዴሕ ሸርሐ እት ሀሉ፡

ክም አክላብ እብ አሰላክ ሻነቅት፡ እብ መጅሞዕ እብ ጥለግ ሃተኩት፡ እብ ሶንኪ ወራይድ ባተኩት፡ እብ ለውለዮት ስጋድ፡ ሕፍረትክ እንዴ አትሐፈሬካ ዲብ ረአሰ ቃተሎት።” ክም ዐላቱ ለልሸህድ።

ለጀራይም፡ ውላድ ካርጅ ልግብኣ ወእብ ደም ሐዎም ሻትራም እት እንቶም ምን አፍ-ሞት ለነጀው ለልትሸህዶ እቱ ቱ። ለቂትለት አቶብዩን ህይ ናሶም ሚ ልብሎ ክልሸህዶ ገብእ?

ዎሮት ምኖም ሻለቃ ዳዊት ወልዴገርጊስ ለልትበሀል ቱ። ህቱ ሐቱ ምን እት መደት ፈደሬሸን እግል ሰልፍ ኢነተን እት ኤረትርዮ ለመጽአዩ ውሕዳት ሐርብ ዐዱ እንዴ መርሓ ለአተ አቶብዩይ ቱ። እት መደት ንዝም ደርጊመ፡ ለትወቀለ መስኡል ስያሴ እንዴ ገብኣ ከድም ለዐላ ቱ። እተ “እንቤዕ ቀዩሕ ዲብ አቶብዩ” ለልብል ክታቡ፡ ጅንስ ወቅያስ ናይለ እት ሽዑብ መዲነት አስመረ እብ ዐሳክር ደርግ ጀሪ ለዐለ ጀራይም ወሸረንርቡ እግል ልውሰፍ፡ እብ ክእነ ሻርሐ ሀሉ።

“... ሸባብ ተብዕን ወአንሳት፡ ላሊ ምን አብደቶም እት ልትዋለው ወልትጌለሎ እት ልትነሰኦ፡ እበ “ዐፋኝ” ናሶም ‘ዐመልዮት ሻናቅ እብ አሰላክ ፕያኖ’ እት ልብሎ ለሸርሐዉ አግቡይ፡ እንዴ ትሻነቀው እት ሸዋሬሕ ልትላከፎ ዐለው። እብሊ ገበይ እለ ለፈነው አምኣት ቶም። እት ሰነት 1975፡ ለጀራይም እትሊ እንዴ ኢበዋር፡ እት ክምኩም አዳም ወባራት ቀናብል ለክፎ ዐለው። ለዐሳክር ዶል ሰክሮመ እሊ ጀራይም ናሶም ከሸሐዉ ዐለው። እብ ሰብ ኩሉ ለዲብ አስመረ ወድዋራቲ ገብእ ለዐለ ቃታል፡ ሸባብ አስመረ እምበል ሞት አው ፈጊር እት ሰውረት ከመትሓራብ ሕርያን ብዕድ ዩዐለ እሉም።

ሐቆ እሊመ ለሻለቃ፡ እት ዎሮ ምን አሰክ መንግሰቱ ሀይሌማርያም ለነድአዩ ጀዋባቱ፡ “ለገብእ ዐለ ጀራይም እብ ናይካ አዋምር ወሰዳይት ታመት ሌጠ እንዴ ኢገብእ፡ እግል ልግበእ ኖስክ እንተ መንግሰቱ ዱቅሪ እብ አማውርከ ገብእ ለዐላቱ” ክም ቤለዩ ሸፊሕ።

መንግሰቱ ኖሱ እግል ሻለቃ ዳዊት፡ “ዳዊት! መግለል ሰኢ ኢኩን። ሽዑብ ኤረትርዮ ሐዋን ኢልምሰለኩ። እብ አትሓላይ ለልተ’ከል ሽዑብ ኢኩን። ላመ እግሉም ትጠልቅ፡ እብ ሐዲስ ዙብጠኩ። እንዴ ኢትጃዝ ገበይ ለጽብዋ ሽዑብ ኢትአምሰሉ!” ልብሉ ዲብ ሀሉ፡ ለዲብ አስመረ

ወኩለ ኤረትርዮ ለገኣ ጀራይም መንግሰቱ ኖሱ እብ አማውሩ ገብእ ክም ዐለ እኩዱ እግልን ሀሉ። ምን እሊ ወኪን ሻሁድ ህይ ኢሀለ።

ከምን ጀራይም ለብዙሕ እለ እት ቀበት አስመረ ለጀሬት ሓድሰት ምን እንረኡ።

እት እዳረት አቅሊም ምግብ -ባካት ማርካቶ ኮፔርቶ ለሀለ ወሽዑብ ብዙሕ ለልአትዩ ባር አማንኤል ዲቡ፡ እት ዮም 8 ኣክቶበር 1975፡ ሀድፍ ዐሳክር ደርግ ለገብኣው፡ 30 ለሞተው ዲበ ወዝያድ 60 ለትጃርሐው ዲበ ሓድሰት ጃርዮት ቱ። እተ ባር ሳዐት 4፡00 አልዐሰር አዳም አነ ወደሐንዬ እት ልብል ወበልዶዶሆም እት ልተልሀው፡ ሻሂ እት ሰቱ ወጉሱያም ዲብ እንቶም፡ እበ አፍለ ቤት ረሻሽ ጥለግ ትከዐ ዲቦም ወለጀሪመት ክም ጀሬት፡ ዲብ ታሪክ ስጅልት ህሉት።

እት ቀበት መዲነት አስመረ እት ኩሉ እንክራትለ መዲነት እብ ዐሳክር አንዝመት አቶብዩ ለገብኣ ጀራይም ዐደድ አለቡ።

- መሰለን፡ እት ሰነን ገጀረት ለጀረ አፍዓል ጀኣረትመ፡ ኩሉ ሽዑብ አስመረ ውበዕድ ሴምዓይ ለአሰንደረ ሸይ ዐለ። እለ ዲብ ዮም 19 ጁላይ ለጀሬት ጀሪመት፡ 5 አንፋር ሐቱ ዓይለት በሀለት፡ አሰይድ አብረሃም ወልዱ ወእሲቱ ምስል 3 ውላዱ፡ ወ3 ዓይላት ብዕዳት ለከምደው እተ ሓድሰት ዲቡ 23 ነፈር እብ ጅምለት ቅቱላም ቶም።

- እት ወሬሕ ሰብተምበር 1976መ፡ ለጃኤራም ዐሳክር “ዐፋኝ” እት መድረሰት ጥልያን-ፖቲን ደርሰ ለዐለዩ 7 ደረሰ አዋልድ፡ ምን ባካት ዕዳጋ-ሐመሰ እንዴ ጨወወን ክም ነሰአውን፡ እት ሰምበል ቀትለውን ከለክፈውን። ህተን ህይ ወለት 23 ሰነት ባንቼነጋ ዐይነታ፡ ወለት 20 ሰነት ሐረጉ መዝገቤ፡ ወለት 23 ሰነት አልማዝ መዝገቤ፡ ወለት 20 ሰነት ኑርያ ኣሕመድ፡ ወለት 21 ሰነት ዘህረ መሐመድ ዐለ፡ ወለት 22 ሰነት ለተዬሰሰ ተኽሌ ወወለት 20 ሰነት መብራት ገብሬማርያም ልትበሀለ።

እለን አዋልድ ምን ዕዳገ ሐመሰ አፈት ቤት አሰይድ ዐይነታ፡ አምሱይ ምን መድረሰት እት ለዐይረ፡ አምዕል እብ ሪመ ራቁበን ለዐለው ዕሳክር ቅዋት በሐር ወጀው አቶብዩ እንዴ ሸትፈውን፡ ቃጩፈን ወልተልሀው ዲበን ምዩያም እንዴ ዐለው፡ ኣክረቱ ነሳሲ ወሰትይናት ሌጠ እንዴ ሐድገው ዲበን እብ ብራቀን እንዴ ቃተለውን፡ ለገናይዘን እት ከደን ሉኩፍ አጽበሐ።

ኣክረቱ ህይ አዳም ከበረን ክም ሰምዐ አሰክ እስብዳልዮት ተረፈዐዩ ወአዳመን ገናይዘም እንዴ ነሰአው ኣካን መቅበረት ጌለው።

ዲብ ገጽ 10 ልተላሌ..

ታሪክ ለሸቀዩ ልዳግሙ

ታሪክ ሸዑብ ኤረትሮፖሎጂ ትፈናተው ምስተዕምረት፡ ክል ኦሮት ከእግል መስለሐቱ አርዛቅ ናይ ኤረትሮፖሎጂ ዲብ ልትሸነህ፡ እግል አምኣት ሰኖታት ሸዑብ ኤረትሮፖሎጂ ቃተለ። ማል ወንዋይ ሸዑብ ኤረትሮፖሎጂ እንዴ ትደመረ፡ መሪር ወስዱድ ተዩልል ሐሉፍቱ። ከሐቅ ክሉ እሊ ዲብ ሰነት 1990 ክም እሊ ትመጽእን ሳምን፡ ተሕሪር ሚንት ባጽዕ ወዐመልየት ፈንቅል ለትበሸርን ዲብ ሳምን ጸብጣም ህሌ። ዲብ ታሪክ ዐመልየት ፈንቅል ለሹርካም ከዮም እግል አጅያል ውርስ ታሪክ እግል ሸባን ዲብ ለአወርሱ፡ እሉም ቶም ሼቅዩቱ ዲብ ለሓክዉ እንርእዩ ወእንሰምዑ ህሌ። እግል ዮም ለእብ ሙናድል ምሕረተኣብ ፍሰሃዩ፡ ምን እግል ውርስ ሸባብ ለትበህሊ እብ ክሰሱ ዐመልየት ፈንቅል ለትዳገመ ታሪክ ጣብዓም ህሌ። ከዲብ ‘ታሪክ ለሸቀዩ ልዳግሙ’ ለልብል አርእስ እግል ንሕለፍ ቱ።

ምን ዲብ ነጃልቤዝ ለትረኣ መዓርክ ሰኒ መሪር ወድቁብ ቱ ለዐለ። ዴሽ ደርጊመ ቅወት አዳሙ ወአሰለሐቱ ሰኒ ትሩድ ዐለ። ወለ ሕሩባት ናይ መዲነት ሰበት ቱ ሰኒ ድቁብ ቱ። ክም እሙር ለትኬለመ ሕሩባት ምን ገብኣ፡ ምን ጠረፍ ወአመት አለበ ለትመጽእ ጠልገት እግል ኢትርክበክ እግል ትትሓፈዝ ህሌት እኩ። እምበል እሊመ ለትሐባለክ መሻክል ህሌ። እብ ፍንቱይ ናይ ነጃልቤዝ እብ ረኣሰ በሐር እብ ቀበት ባጽዕ ናይ ዐዶ ረሳሳት ሰበት ልትሓከፍ ዲብኩ፡ ወቀደሙ ዲብ ባክ ለዐለ ዴሽ ዐዶመ እግል ልጽንሕ ቀድር። ከእሊ ሰኒ ለደቀበ ወለተረዶ ሐርብ ናይ መዲነት ቱ።

ሐቅ እሊ ቅድየት ነጃልቤዝ ክም ሰክበት፡ ዲብ ስጋለት ቀጣን ክም በጽሐኩ ብርጌድ ዐሰር [10] አምዕል ምልእት ትትሓፈብ ወዐለት። እሊ ብርጌድ እሊ ምን ምግብ ሐቱ ሰርየት ሌጠ ዲብ ሐቱ አምዕል ዲብ ናይ ዮም 11 መዐረከት፡ 9 ፍራሰ እንዴ

አስተሸህደው ፈንቱናሆም፡ ወህቶም ምን ቀበት 9 ሰርየት ለትፋገረው ቶም። እምበለሆመ ከም ፍራሰ ለትፈንቱን ዲብ መዕረከት ተ ለዐለት። ዲብ ክእን ለመስል ሕሩባት፡ ምን እሊ አሰክ ነጃልቤዝ ገሌ ቅዋት ናይ ብርጌድ 71 አሰክ ስጋለት ቀጣን ክም ገይሰ ገብኣየ በህለ ቱ። አዜ ምን ተርፈት ባጽዕ ጅወ ረኣሰ ምድር፡ ወዲብ ስጋለት ክም አቅሕሞ ለምም ለዐለ ዴሽ ደርጊ ተርፈ። ዲብ ክእን ለመስል ሐርብ ዮም 8 ለአንበተየ ሐርብ አሰክ ዮም 11 ወለ እሙር ጋድሞታት እብ እገርክ ዲብ ጣይሙ፡ ወጣኢራት፡ መዳፊዕ፡ ደባባት ናይ ዐዶ ክም ዝላም ዲብ ዘልም፡ ላኪን ክመ ክል መረት ለእንብሉ ፈዛዐት፡ ሰባተት፡ ወውሕደት ሐቅ ህለ ዐውቱ ክም ህሌት እሙር ቱ።

እተ ወክድ ለህይ ጀነራል ፊሊጶስ ወልደዮሃንሰመ ንሸፈግ ሌጠ ልብል ዐለ። ሰበት ነጃልቤዝ ወቅት እግል ትንሰእ አለባኒ። ዲብ ናይ ሰነት 1977 ሕሩባት ለሻረከው ምናድሊን፡ ዲብ በርናምጅ ውርስ ታሪክ ሐኩያም እግልን ገብኣ። ነጃልቤዝ እግል ኢትደቀበኩ፡ ስጋለት ቀጣን ላቱ ድቅብት ክም ህሌት ርእያመ ህሌ። ወለ ምን ልተረድመ እግል ዐውቱ ቃንጸም ዐልነ ወእብ ፍዕል አርኤ። ክመ ዲብ ለዐል




ለእቤል እግል ውሕደት ወሰባት ለትአፈሸል አሰክ እሊ ርክብት ኢህሌት። ለሕሩብ ክእን ዲብ እንቱ፡ ሚርሐት ተንዘም ዲብ አየ እንዴ ገአው ቱ ለመረሐ

ዐለው መስለኩም፡ ዲብ ፎርቶ እንዴ ገአው ለአትጋዩሱ ዐለው። ጀኔራል ሰብሐት ወጀነራል ፊሊጶስ ውብዕዳም መስኡሊን ክመ እሊ እንቤ ምን ፎርቶ ለአትመቃርሐ ዐለው።

ሰበት እሊ እሉም ለእሉም እቤ መስኡሊን ምን ፎርቶ ሐቅ ለአትመቃርሐ ዐለው፡ ምን አወሎም እግል መዕረከት ከአፎ ክምተ ተቅዩም ናሰኣም ምናቶም። ዲብ መዐረከት ናይ ዮም 11 ክልኣት ጀኔራላት ደርግ ጽቡጣም ዐለው። ወእባ ከሰክ ጀነራል ፊሊጶስ ለአክናሆም ሰበት ናይ ዐዶ ምስጢር አው ሐብሬ ለትሰኢ ዲብ ነፈር እብ



ሸፋግ አሰክ ከሰሰ ጀህት ሓለፎት ሰኒቱ። እሉም ክልኣት ጀኔራላት ለዲብ ፎርቶ ዐለው፡ ጀግዐትን ጀነራል ሰብሐት ወፊሊጶስ ክም



ቤለው። እዝን ጽምት ሀበዩ ወምን ሐዲስ እብ ስጋለት ቀጣን ትክ እንዴ ትቤ እንዴ ኢገብኢ፡ እግል ኩሉ አዋራፍ በሐር ቅዋት በሐር ኤረትሮፖሎጂ እብ ቅዋት ምድር፡ ወደባባት እምበል ሐቱ ጣኢረት ሰበት ዩዐለት እግል።

እግል ባጽዕ እብ ክሉ እትጅሃተ እሳት ወድዮ።

ሐቅ እሊ ሐቱ እስትራቴጂየት ትፈግር። አክል ሕድ ሳዐት 11 ወ12 ለገብኢ እብ መዳፍዕ አርድ ኩሉ እሳት ገብኢ። ኣነ እብ ታሪክ ልግበኢ ወእብ ኖሼ ለሻረከ ዲብ ክም እሊ ሐርብ እሊ ርኢ ወሳምዕ ዩአምርኒ። ዲብ ወቅት ለህይ ጀብህት ሸዑባየት እብ ኩሉ እትጅሃተ ቅወትት ዐለት። እግል ረኣሰ ምድር ከአፎ ክም ሀጅመወ ወቀጣን ገበዩ ስጋለት እብ ከአፎ ክም ተዐደው ምን አሮት ተክቲክ ናይ ሐርብ ጀብህት ሸዑባየት ዲብ ዐመልየት ፈንቅል ለሸቀዉ ቱ። ምን ነጃልቤዝ ለትበገሰው 80 ሕሩያም ሙናድሊን ምን ቦሞሎኒ 46 አሰክ ረኣሰ ምድር፡ እብ ጅላብ ክም ልትዐደው ወቀደሚሆም ዴሽ አባይ ህለ ላኪን እግል ወጠንክ መትበርየት እብ ነፍሰካቱ ለዐለ። ለእብ ጅላብ እንዴ ትጸዕነው ለትበገሰው 80 ፍራሰ ሙናድሊን፡ አሰፊሆመ ቦሞሎኒ 1 [ሐቱ]፡ ወአሰፊሆመ ብዕዳም ቦሞሎኒታት ናይ ብርጌድ 20 ዲብ ልትወሰኩ፡ እብ ረኣሰ ምድር ተዐደ። ወሐቅ እሊ ለናይ ስጋለት ቀጣን ዲብ ዮም 11 አምዕል ምልእት ለአውዐሌን ለዐበ አሮት ምን ታሪክና ቱ። ሐቅ እሊ ምን ሰለዩ ብርጌድ 70 ሓልፎ ልብለን ጀኔራል ፊሊጶስ። እሊ ህዩ ክፈል ዴሽ 70 ለተረደው ሰበት ዐለው ቱ። ሰለዩ ክፈል ዴሽ 70፡ እለን

ዮም ክም መርጀዕ ታሪክ ጋብኣት ለህለዩ ደባባት ዲብ በጽሐው። ወአሰፊሆመ ለብዕዳም ቅዋትን ተዐደው። ውብዕዳም ቦሞሎኒታት ናይ ብርጌድ 10 ለዑሩፋም ዐለው። ሰበት እሊ እብ ረኣሰ ምድር እንዴ ለፈፍከ ዴሽ ህለ ወእብ ስጋለት ቀጣን ምን መጽእመ ዴሽ ህሌ። እብ ዓመት መራቀብት ዐውቱ ናይ ባጽዕ ዲብ ዐመልየት ፈንቅል፡ ክም እሊ እሉ እቤቱ ለዐለ። እብ ጀህት ምፍጋር ጸሓይ ጋድሞታት ራቀቦትን፡ አወል ወቀደም ክሉ እግል አባይ ለዐቤት ደማር ወዴነ እቱ ዲብ ነፍሱ ልግባኢ ወአሰለሐቱ። ከእብለ ዝያድ ሐለትን እግል ነአደቅብ ቀደርን በህለት ቱ። እሊ ሌጣ ኢኮን፡ ሰዩሰያይ ወዲፕሎማሲያይ መካሰብ ናይ እሊ ምን እንረኢ። እሊ ከዋ እሊ ምን ባጽዕ አሰክ አሰመረ እብ ግንደዕ እንዴ ወዴኩ ለለአትራክብ ቱ። ወእብ ጀህት ግብለት ለአትራክብ፡ እሊ በህለት እብ ሕሊል ሐዳሰ አሰክ ከረ ዐዴ ቀይሕ ለአበጽሕ። እምበልሆመ አቅሊም ቅብለት በሐር ቀያሕ ወግብለት በሐር ቀያሕ ነአትራክብ ህሌ። እሊ መትረካብ አግቡይ ናይ አቀሊም ምን ትረከባቱ፡ ሐፊመ እግል ሐረርት ከረ ዐሰብ ባብ ለትፈተሐ እግል። ሐቅ እሊ ጀብህት ሸዑባየት እግል ትሰዴ ውሓለቶም እግል ትርኤ ለቀድረት። ሰበት እሊ ዐመልየት ፈንቅል ፍገሪት ፈራሰት፡ ውሕደት ወሰባት ለአርኤት ቱ። ወለ እግል ምን ረዩም ለአትቃምቱን ሰብ ሐጎትን፡ ልእመኖ ወኢልእመኖ፡ እብ ቀሰብ ለአትመነት ዐመልየት ቱ። ለአሳሰያይ ሐለት ለመልኮ ሸባብ ቶም፡ ወላመ ጸር ዲብ ረኣሶም ቱ። አማነት ወአማነት ዲብ ሰላምን ለቀንኦ ብዝሓም ቶም። ከእሉም ለመስሎ ወዲብ መራት ቅንኢ ለሸመማም፡ ገበይ እግል ነሆም አለብኩ። ወእሊ ቀደም 34 ሰነት ለትሸቀ ታሪክ እሸርሕ እኩም ለጸንሐኩ፡ እንትምመ እብ ክሉ ልብኩም ታብዑኒ ሰበት ጸንሐኩም፡ ሐምዴዬ ትብጸሐኩም ወደሐንኩም።

ዴማት፡ እብ ሙናድል ምሕረተኣብ ፍሰሃዩ ለትቀደመ ውርስ ታሪክ እግል ሸባብ



ሐሊብ እንሰ ወመናፍቅቱ



ብእቲ። እሊ ህዩ እግለ ኢጠቡ አጀኒት ሰኒ ከም ዋፍቅ ምስሎም ወድዩ።

ወገሌ ድራሳት ከምለ ለአክዱ ህዩ። እንሰ ሐሊብ ሌጠ እንዴ ኢገብእ። ሽንታመ መንፈዐት ከም በ ትትሸረሐ። በህለት ሽን እንሰ እግል ለትፈናተ እብ ለትፈናተው አንዋዕ በክቴርየ ለመጽእ ሕማማት ምኑ እግል ልዳፊዕ ቀድር።

ነአት እብ ምግባይ ወግም እግል ሰነት ካምለት እንዴ ኢትነጽፍ እት ትትሕለብ ትጸኔሕ። ወእት ምዕል ክልኤ ዶል ምን ሐምስ አሰክ 10 ሊትር ለበጹሕ ሐሊብ ትትሐለብ። እሊ ህዩ እብ ቅያስ ምግባይ። እት ሰነት ምን 230 – 260 ሊትር ገብእ።

ተርኪቦት ሐሊብ እንሰ እብ ጅንስ ጅንስ ትትፈናቱ። ወእት ከምስልሁ ምን ነአት እት ነአት ልትፈናቱ በህለት ቱ። ለኩባሪ ለእለ ትነሰእ ወማይ ለእሉ ትሰቱ ወብዝሐሁ። ወአውቃትላ ሰነት ለዲቡ ተዐቤ። ወዕምረ ወብዕድ ምስል ውራሰት ለልትጸበጦ ጋራት ክሎም እት ከምየት ሐሊብ ተረት ቦም።

ሐሊብ ነአት ለሕብሩ አሰክ ቅይሒነ ነትል። ወጠምጠሙም ጥዑም ቱ። ወዶል ዶልም ህዩ መሌሕ ቱ። ዲቡ ለህለ ድሁን ምን 2.06 – 5.5 ምን ምእት ገብእ። የም አለቦም ምቀድየት ላቶም ጋራት ብእቱ ወካሰተን ህዩ እግል ሕማም ልብ ለቦም አንፋር ፋእደት ብዝሕት ቡ።

እብ ክሰሰ ሐሊብ እንሰ ለገብእ ለትፈናተ ዕልማይ ድራሳት ከመ ሸርሐ። ተርኪቦት ኬማኢየት

ሐሊብ እንሰ ዶል እንርእ። ብዙሕ ለለአትፈክር ጋራት እንረኤ። ህቱ ምስል ሐሊብ ሐ ዶል ተአትጃግሩ። ዝያደት እግል ሐሊብ እም ልትመሳሰል። ሐሊብ ነአት ከምየት ብዝሕት ምን ላክቶዝ ብእቱ። እት ረአስ እሊመ ብዝሕት ከምየት ናይ ሼታሚን ሲ፡ ካልሰዩም፡ ወሐጺን

እምበል እሊመ ምን ሕማም ገኛበት ሰራይ ከም ገብእ ለአክዶ።

ሽን እንሰ ዶል ትትሰቱ ብዝሓም ሕማማት። ከም ከረ ሕማም ምዕደት። ሰከራ። ሕዲነ ደም ወብዕዳም እግል ልሳሬ ከምስል ቀድር ሰብ መቅደረት ዓፍየት ለአክዶ።

Eight Benefits of CAMEL MILK Hashimoto's

- 1 Helps in reducing NUTRIENT DEFICIENCIES
- 2 Contributes to THYROID HORMONE BALANCE
- 3 Shows promise in reducing FOOD SENSITIVITIES
- 4 Aids in resolving INFECTIONS
- 5 Promotes BLOOD SUGAR BALANCE
- 6 Supports IMMUNE SYSTEM BALANCE
- 7 Reduces THYROID PEROXIDASE ANTIBODIES
- 8 Reduces OXIDATIVE STRESS AND INFLAMMATION

ThyroidPharmaceutical.com

ተርጀመት መሰል

“ሐርስ ሐር ወህዳይ ዕብ መንፈዐት አለቦም።”

ወቅት ዝላም ከም ሐልፈ ወከረም ከም ትከለሰት እግል ሐርስ ለትፈረረ። እክል ኢካይል። ወእት ከምስልሁ ጡል ሐያቱ ነብር እንዴ ዐለ። ዶል እብሩ ለልህዴመ ፍሬ ውላዱ እንዴ ኢልርኤ መሰከብ አማኑ ለአቱ። ከእለ መሰል አህምየት ናይ ህዳይ ንእሽ አክል አዩ ከምተ ትሸረሕ እግል።

በህል

- ሰኒ ግሩማም ወቃልያም ላቶም ጋራት ተአበዴ ወእሎምዲ “አካኖም ደብእ አለቡ” ትብል። አመተ አለቡ ለገረመው ወለ ቀለው ጋራት ትረከብ። ወእግለ “አካኖም ደብእ አለቡ” ትብሎም ለዐልክ ጋራት ለአትረሰዑኩ።
- አሻይር አሜብዕክ ለናይክ ህውየት ለአክዶ ገብአው ምን ገብእ። አሰር ንሳልክ ተርብየትክ ወለሰኒ አደብክ ለአክዶ። ከኖሰክ አሰር ሰኒ እት አልባብ ብዕዳም ለተርፍ ከም ትገብእ ውደዩ።
- ምን ውላድ አደሚ እግል ትትመሳሰዩ ለብእትኩ ምስጢርክ ለለሐቤ። ወዴብክ ለሰትር። ወእት ፈረሕክ ወከረህክ መጦርክ ለበጥር። ሰኔትክ ለደግም። እኪትክ ለገልብብ እግል ልግበእ ብዲቡ። እሊ መሰል ሐቆ ኢረከብክ ላተ ምስል ነፍሰክ ሌጠ ትመሳኔ።
- አትግቦት ከመ እት ዝላም ቱ። እግል ወድ አደሚ ለአቅሩዱ እንዴ ኢናቅል እግል ለዐባዩ ገብእ ምን ገብእ። አክል ሕድ ከመ እለ ለአትሐዜ እግል ልትየሰር እሉ ብዲቡ።

ልባብ ረቢ ልርሐም

ምዕል ሐቱ። ለሙወዘፊን ባክለ አካንላ ሽቅሎም ዶል በጽሐው። ለውሐት ዐባይ እት ቀደምለ ዐቢ ባብለ ሸርከት እት ተህንጦጥል ጸንሐቶም። ለለውሐት ከም እለ ለትብል ሐብሬ ክትብት እት ዐለት።

“ማሌ ዲብ እለ ሸርከት ዐቦትኩም ለዐንቅፍ ወገጽ ቀደም እግል ኢተአሳድሮ ታክልኩም ለዐለ ነፈር ትረሐመ። ከአልፋትሐ እግል ሊዴ ለለሐዜ። እትለ እግል እሊ ጋር እሊ ዱሊት ለህሌት ሳለት እንዴ አተ አልፋትሓሁ እግል ለአብጽሕ ንትረጃ።”

ዶል ሰልፍ ለሙወዘፊን ከበር ጥት አሮት መለሀዮም ከም ሰምዐው ሰኒ ተአሰፈው። ምናተ ሐር አሮትክ ለነፈር ለዐቦቶም ወዐቦት ሸርከቶም ታክል ለዐለ እግል ለአምሮ ተህንደደው። ለሙወዘፊን ግናዘትለ ነፈር እግል ልሳርሐ አሰክለ ሳለት እት ለአቱ አንበተው። ፖሊሰለ ሸርከት ዐመልየትለ አቱ እብ ኖሶም እንዴ ነዘመወ ለእናስ ክፋን እት እንቱ እግል ልርአው እብ አር አሮት አሰር ሕድ እት ለአትዎም አንበተው።

ወደለ እትለ ከፈን ክትዝ ለዐለ ነፈር ለረአ ከምን ህግዩ አፋ ልትለገም ወምስል ርሐ እት ሀጋይን ልትሸመም ዐለ።

እትለ ሐንላ ከፈን ዐባይ መዐፍየት ክሪት ዐለት። ዶል እትለ ከፈን አቅመተ ከለመዐፍየት ሱረቱ እትለ ቀበትለ ከፈን እንዴ ዐክሰት ተአርእዩ ዐለት። ወእትለ ባክ ንኢሽ ላፍተት ከም እለ ልትከተብ ዲብ ዐለት። ዲብ እለ እዲኑ። እት ቀደም ዐቦትክ ወጥሙሓትክ እግል ልብጠር ወገጽ ቀደም እግል ኢተአሰርር እግል ልትከለክ ለቀድር አሮት ነፈር ሌጠ ህሉ ህቱ ህዩ እንተ ኖሰካ ቱ።

ዝሩፍክ ወአውዳዕክ ምዲርኩ። መልህምኩ እሊትኩ ሸርከትኩ አካን ሸቅልክ አው ሓልፈት ሓለትክ ሰበት ትቀየረት ኢትትቀየር።

አውዳዕክ እንተ ሌጠ ዶል ትቀየርካ ቱ ለልትቀየር። እዲነ ፍጃን ቡን መራርተ” ወደለ ግሩማት ላተን ሓጃት ከም ክበባት ሰከር ተን።

ለመንክ ዲብ እዲክ ህሌት። ከግድም ለፍጃንክ ከም ምራድክ አግዕመ።

ተበሰም

ሐቱ ሰኒ ክፍእት ላተ እሊት ብእሰ ከም ዛበጠዩ ወሸንርብ ከም ወደ እት። ዲብ ገርገሽ ሸኬቱ። “መንባዩ እሊ እናስ ምኑ እግል ተአርተዐኒ ወእብለ እት ረአሼ ለአጅረዩ እግል ትጃዝዩ ወእት ሰጅን እግል ትድብኡ እዩ እትረጃክ” ቱለቱ።

ገርገሽ ለአተንሰዩ እንዴ ዐለ ለርሐ እግል ክፍኢናህ አብየት እቱ እት እንተ ከም እለ ቤል። “ሰኒ ወሰኒ እሰጅኑ እግልኪ። እሊ ህዩ ሰበት ዛበጠኪ እንዴ ኢገብእ። ዲብ ሰበት ረሐምኮ ወምን እሊ ወጅሄታይኪ እግል ልትሐበዕ እንዴ እቤቱ” ቤለዩ ልተበህል።



ትግራይት እት ክቱብ

1. ለሰልፋይ እብ ሂገ ትግራ ወእብ ሕሩፍ ግእዝ ለትክተብ ክታብ፡ ለዲብ ሰነት 1889 ለትክተብ ክታብ ዲን ክሰታን ቱ። እሊ ክታብ እሊ እብ ሕሩፍ ግእዝ ወሂገ ትግራ ለትክተብ እት ገብእ፡ ለትጠበቦ ዲብ ኣካን “እምክሉ” ለትትበህል ዲብ ደዋይሕ ባጼዕ ለህሌት መንጠቀት ቱ። እሊ ክታብ እሊ እት መጥበቦት ሚሰዮን ለጠበባ ቱ።

2. ዲብ ሰነት 1889 ለትክተብ ክታብ ህዬ እብ ክሰብ ቀዋዕድ ትግራይት ቱ። እሊ ክሊማት እሊ ተርጀመቱ እብ ጀርመን ወመትመሳሳሉ ምስል ዐረቢ ወዕብርየት (ኢብራይጥስ) ለሽራሕቱ። ምን እሊ እግል ንፍህሙ ለእንቀድር ትግራይት ምስል ብዕድ ሀገጊመ ቅርብ ወምስንዮት ክምስል በ ለርእኡ።

3. ዲብ ሰነት 1894 ለትክተብ ክታብ ቀዋዕድ ትግራይት ኢጣሊ ወኢጣሊ ትግራይትመ ኦሮ ምን ገዳይም ኣክትበት ትግራይትቱ። እሊ ክታብ እሊ ለትፈናተ ክሊማት ወመዓኒ ትግራይት ክቱብ እቱ ምንመ ህለ፡ ለህቱ ክቱብ እቱ ህለ ሕሩፍ ላቲንቱ። ምን ዲብ ክታብ ለህለ ክሊማት፡ ሰሩ ዮም ለበደ ኣው ንትነፈዕ እቱ ለይህሌን ወሰሩመ ናይ ብዕድ ሀገጊት ሰበት መስል ዲብን ለነኣመሸሽ ምኑቱ።

4. ኣምበል እሊመ፡ ዲብ ሰነት 1897 እብ ኢኖ ሊትማን እብ ክሰብ ቀዋዕድ ትግራይት ለትክተብ ወእብ ህግዩ ጀርመን ለትፈሰረ ክታብ ቀዋዕድመ ህለ። እሊ ክታብ እሊ ክሊማት ትግራይት ምስል ዐረቢ፡ ኣምሐርኛ ወዕብርየት ክኣፎ ክምስል ልትቃረብ ወልትቃረን ሸራሕ። ለክታብ እብ ጀርመን ወላመ ህለ እቱ ተውዴሕ እብ ጀርመን ሰበት ቱ፡ ዲብ ፍህመቱ መታክል ክልቅ። ምናተ እግል ትግራይት ላተ ዐቢ ርዝቅ ክምስልቱ ሸክ ኣለቡ። ምን እሊ ዲብ ዘመን ቅዱም ለትክተብ ኣክትበት እንዴ ረኤነ ዮም ትግራይት ዲብ ምህሮ ኣካዳምየት ኢገብእ ምንገብእ፡ እብ ክሰብ ዲብሊ ገብእ በሐስ ወድራሳት ላተ ገጽ ግረ ኣቅበለት እግል ኒበል እንቀድር።

5. ለዲብ ሰነት 1901 እብ Conti Rosini Carlo እብ ክሰብ ሞላድ ማርያ ወመንሰዕ ለልካኬ ወዘያደት ዲብ ዓዳት መንሰዕ ለረከዝ ክታብ ዲብ ሮማ ኢጣልየ ትጠበቦ። ዲብ እሊ ክታብ እሊ ለህሌት ትግራይት ነዲፈት ወናይ ኣሰል ክምተ ትትኣመር። ሰሩ ለዲብ ወቅት ለሀይ ለዐለ ክሊማት መዓኒሁ ኣምራም ወዐባዩ እንዴ ትሰኣልክ ኢረከብኩሁ ምንገብእ፡ እግል ተኣምሩ ሰዱድቱ። እትሊ ወቅት እሊ ዲብ በዴ ገይሰ ምንመ ህለ

ኣምራም ወዐባዩ እንዴ ትሰኣልክ እግል ልትረከብ ቀድር።

6. ለካልኣይ ክታብ ዲብ ሰነት 1903 እብ ሕሩፍ ግእዝ ወሂገ ትግራ ለትክተብ ክታብ ዶል እንረኤ፡ እሊ ክታብ እሊ እብ ሰበት ታሪክ፡ ዓዳት ወኣድጋማት ቢንዓምር ወእብ ፍንቱይ ናይለ ዲብ ሕዱድ ሱዳን ወኣረትርየ ለትበር ቀባይል ሰብደራት ወኣልገዳን ለካኬ። እሊ ክታብ እሊ እብ Conti Roosi-ni Carlo ለትክተብ ወዲብ ሰነት 1903 ዲብ ኣሰመረ ለትጠበባቱ።

7. ክታብ ኣድጋማት ትግራይት፡- እሊ ክታብ እሊ እት ሰነት 1910 ዲብ ሊይድን ሆላንድ ለጠበቦ እትገብእ፡ እት 285 ሰፍሐት ለትክተብ 117 ለትፈናተ

ኣድጋም ወሐካኪቶ፡ ቅሰሴ፡ ዓዳት ወሰዋልፍ ገቢል ትግራ ለሽራሕ መዋዴዕ፡ ኣሰማይ ኣዳም ወንዋይ፡ ገባይል ትግራ ወኣሳሴ፡ ኣሰማይ ከዋክብ ወመድሐር ሰርቅ ወሬሕ፡ ዐለቦት ኣውረሐት ወፈጋይር፡ ኣሰማይ ወኣጅናስ ኣሰዩፍ፡ ኣውታር መሰንቀ፡ ኣሰረዓት ወሰቅራት፡ ግም ወኣሰማይ ንዋይ (ሐ ወእንሰ)፡ ክምስልሁመ መራግም፡ ሰሩር ወብዕድ ለሸምል እት ገብእ፡ እሊ ክሉ ዲብ ሂገ እንግሊዝ ለተርጀማቱ። እሊ ህዬ፡ እግል ኖሱ ኦሮ ምን ምን ግም ዲብ ግም እግል ልትሐላላፍ ለቀድር ክብት ትግራይት ቱ። (ENNO LITTMANN, VOLUME II 1910 LEYDEN)

ሕላይ እብር

መደት ሐቱ ኦሮ እናስ ድግለል እብ ጸገቱ ዲብ ልትመንቀሽ እት ገበይ ኣዋልድ ደንግል ወውላድ መንደሊታት ጸንሐው። ለደንግል ወለመንደሊታት ለእብ እብር ክርከር ለዐለ ድግለል ክምስል ረኤው፡ በዳር ፈጥነው ወሐር ክምስል ሐልፈዮም እብ ሰኣቅ በረቱዕ ገኡው ዲብ። ለወክድ ህቱመ ለኣላቶም ሰበት ኣትፈክረቱ ወንእሸናሁ ሰበት ትፋቀደ እንዴ ትወለበ ዲቦም ቀይ-ቀይ ዲብ ልብል ክእነ ቤሎም፡

የኣስተህሉብ ኣርወሐቼ - የብሰት ዲብ ቀርቡተ ዕንታቼ ጊመት ለብሰቱ - ወንሳልዬ ትለተተ ዕስር ተርፈ መልሀዲት - ነብረ ሰኣነ ምጭረተ ኣድር ቃይብ ገብእ - ኣንፍ ምንዲ ትከሰተ ዋይኢት ወለቅዲት - ሐቱ ገኣት ሸመተ እዝንዬመ ኣክነተት - ግድም በጥረት ሕጀተ ወዴጾቼ ትገርደመት - ፍት ምን ሕቀተ እዴ ቀይቀይ ትቤ - ረጅፈት እምበል ንየተ ወእግርዬ ትጨውጩት - ሰመ ገንሐት በርሰተ ነፍሰ ሐቅ ኣበረት - ጀላል ሚበ ግንሐተ ትሸክብ ወተሆኩኬ - እንዴ ደዐፈት ሐለተ መንቀሺቼ ሰኣንኮ - ወኣቤት እዬ ርፍዐተ ደከቼመ ምን ትፈተሐት - ቀዌክወ እሰረተ ሰብኣን ኣለህ እድንዩ - እለ ትገብእ ኣክረተ።

ግድም ኣበርናቱ - ምን ንትፋቀድ ለሞዳይ ዴጾትነ ኣበረት - ቀኒጽ ኣቤት ወግሳይ ንሳልነ ኣበረ - ከለግለግ ቤለ እብ ኣርዐዳይ እዴነ ቀደመት ከጽላል ገኣት ምን ጸኣይ ወለት ኣንሰ ተኣብዩ - ንኢሽ ትግበእ ወዐባይ ወልዱመ ኣብዩ - ከለኣደንኖ ምን ምብቃይ እሲቱመ ተኣብዩ - ንጎ ዐቢተ ወኣባይ ጎሩመ ተኣብዩ - ምን ኣዚም ወእተንሳይ።



ጀሪመት ድጌ ወኪድባ

ምን ገጽ 7 ለኣተላሊ.....

ጽርግዩ ኣሰመራ-ወኪድባ ቀደም 1975፡ ለመደት ለህ ለልኣምረ፡ እግል ልድረሶ እብ ሸነጥ መዳርሶም ለልኣትቃብሎ፡ እግል ሸቅል ኬን ወእንሰር ለልብሎ ኣገር ወሰብ ዐጀላት፡ ክምስልሁመ እብ ኣቅራድ ኖሶም ኬን ወእንሰር ኣሰመረ ወወኪድባ ለልኣትቃብሎ ሰነነ እቦም ዕምር ወንውር ትውዕል ነብረት።

ምናተ ሐቀለ ኣምዕል ሰንበት ንኢሽ 31 ጃንዋሪ 1975 ለጽብሐት ላሊ ላቱ፡ እለ ሃድኣት ትነብር ለዐለት ምናበረ ሰነን ወኪድባ ተሐምረገት። ሰበቡ ህዬ፡ ጅምዐት እት ሰንበት ንኢሽ ትጸቢሕ፡ ኣምዕለ ቀዳሚት፡ ሰነን ወኪድባ እበ እት ኣሰመረ ሰምዕዉ ለትመየው ለክፍ ሰለሕ ድቁብ ርቡሻም ክም ትመየው፡ ፈጅር ሰንበት ንኢሽመ ለፈሸሐኒት ዐሳክር ደርግ እት ለኣሴር እተ ድጌሆም ኣተው። ለፈጅር ለህ ሌጤ፡ 28 ኣብርየእ ምን ሰነን ወኪድባ “ሐቱ ኢልብሉነ” እት ልብሎ ዲብ እብያቶም ለጸንሐምም በርጌሴ ምስል እብ ጥለግ ጀልፈዎም።

እምበል እሊመ ለዐሳክር፡ ምን እግል ህዳይ ዱሉይ ለዐለ ነበሪት ኣሰይድ ምስግና ይፍጠረሉ ወኣሰይድ ርእሶም ብርሃኔ ለልትበህለ ክልኤ ዓይለት፡ ብርሃኔ ምስግና ወእዝግሃርየ ርእሶም ለልትበህሎ ውላዶም እግል ለኣትህዱ ወጋሻሆም እግል ልትክቡቶ እቡ ለኣዳለም ነበሪት ምኑ በልዐው ወሰተው፡ ክም ጸግበው ህዬ፡ ለተረፍለ ነብሪት ኣብ ወለት ምስል ሐሁ ለብኢቶም 12 ሻብ እንዴ ሐረው እሉ፡ ኣሰክለ ባኩም ሻፍፍ ለዐለ ዴሾም እንዴ ረፍዐው እግል ለኣብጽሕዎ እሎም ኣመረዎም።

ለዲሽ ለነብረ ክም መጽኣቱ፡ እግል ሸባብ ሕኔት ሰኔት ፈድዎም፡ “ሕፍረትኩም ሕፈሮ” እንዴ ቤለዎም፡ ለሕፈር ክም ኣዳለው እተ ቀበቱ ረሸነዎም።

ጅርቡት ሸዕብ ድጌ ወኪድባ እብለ ይኣክተመት። ለድጌ እት ጋድም ኣድር ሰበት ቱ፡ ምን ጥለግ ናይለ ክርዱነ ለዐለ ዴሽ እግል ልፍገር ለቀድር እንኮይ ኣዳም ሰበይ ይዐሉ፡ እግል ልህረብ ለወጠነውመ እተ ጋድም ድጌሆም እብ ጥለግ ኣትዋደቀዎም።

እብሊ ህዬ፡ ሰነን ወኪድባ ለተኣድሕነ እንዴ ቤለው ለሐሰበወ ገበይ፡ እት ከኒሰት ዐዶም እንዴ ኣተው መትደዓይ ሌጠ ዐለት። እት ዘሪበትለ ከኒሰት ወበር ሰላም እንዴ ትጀመዐው ህዬ ጸሎቶም ወዱ ዐለው። ኣዚመ ለዐሳክር ኣባይ እብ ኩሉ እንክራትለ ከኒሰት ብሬናቶም እንዴ ዋተደው፡ እምበል ረሕመት እብ ጥለግ ትወደቀዎም።

እብለ ገበይ እሊ፡ ዐሳክር ደርግ

ምን 31 ጃንዋሪ 1775 ኣሰክ 1 ፌብረዋሪ 1975፡ ዲብ ክልኤ ምዕል ሌጤ፡ ኣጀኒት፡ ኣንሴ፡ ሸባብ፡ ቀሺታት ወሰብ ገጽ ለዐለው ዲቦም፡ እብ ዓመት ዝያድ 80 ምን ሰነን ወኪድባ ቃተለው ወብዕድ 13 ኣመስከነው።

እሊ ለዶል እተ ኣካን ቀትል እግል ልምጽኦ ወልሰውሮ ለሐዘው ሰሕፍዩን ወምን መለገት ለተርፈው ውላድ ወኪድባ ለጅልፈትለ ምዕል ለህ ዎርትክ ደለ እለ ረኣ እብ ጀህቱ ሸረሐ።

እሲቱ እግል ምስለ ነበሪት ራፍዓም ለዐለው ሸባብ ለትቀተለ ኣሰይድ ርእሶም ብርሃኔ ላተ ኣሰይደ ሂወት ገብሬዬሰሰ እብ ክሰብ ቅታል ብእሰ እት ትሸራሕ፡ “ወለት ብክርና እዝግሃርየ እግል ነኣትህዴ ለኣዳሌናሁ ነብሪት ወሰተይ ክም ትሸቀ፡ ለዐሳክር ሰበት ምጽኣውኑ፡ “እሊ ሕራብ ወንበዴ ቱ!” እንዴ ቤለዎም፡ ብእሼ ምስል ሐምስ ብዕዳም ጸሩ እብ ሰነኪን ኣረደዎም።


እሲት መርሐም ርእሶም፡ እብ 4 ጅኔታያ ኣሰክ ዳምባ-ዐድ ጸናፍ ሃርበት እንዴ ዐለት፡ እናሳ እግል ትድሌ ክም ትሰኣለት፡ ለከበር ሞቱ ክም መጽእየ ተኣኪ።

መምህር ሉላ ገረዝግሄር ወመምህር መስመር ሀብቱ፡ እት ወኪድባ እንዴ ትወዘዕው ለኣደርሶ ለዐለው ሰብ ፈረዕ ቶም። መምህር መስመር ዎርት ምን እተ መደት ለህ እት ገጽ እሲቱ ወኣጀኒቱ እብ ዐሳክር ኣቶብየ ለትቀተለው ቱ።

ከመምህር ሉሉ፡ እት ተኣትናቢዕ፡ ለኣላት ቅታል ብእሰ እብ ክእነ ትወሰፈ፡- “ለዐሳክር ክም መጽውኑ፡ እንተ እንሰር መደርሰ እንዴ ገብኣክ እት ቤትክ ሐውክ ሸፈቲት እት ተኣቢዕ፡ ምን እለ ልትፈረር ወዲብ ኣሰመረ ጀራይም እት ረኣሰነ ለኣጀሩ ለህለው” እበ ትብል ምስምሳ እተ ኣፌትለ ቤትነ እብ ጠልገት እት ቅርድ እዝኑ ዘብጠው፡ ሐቀህ እለ ክም ይኣብረደቶም፡ ብዕድ ዐስከሪ እብ ሶንኪ ዐረዱ በትኩ። ወእባሁ ሞተ።

“ለመደት ለህ ወለት ክልኤ ሰነት ለዐለት እልልታ ወለትና፡ ደም ኣቡህ እት ፈሸሽ ክም ረኤት፡ ደም ከዐው ዲብካ ይባ እንዴ ትቤ፡ ለደም እግል ትማስስ ምኑ ክም ጌሰቱ፡ ለዐስከሪ እሰልፍ እግል ጅነት እብ እግሩ ካልሾ ሀበዩ፡ ወኣነ ለወለቼ እግል እንሰእ ክም መጽኣቱ፡ እተ ዴጾቼ ሸኣጤኒ። እለ ዴጾቼ ህዬ ምን ምዕል ለህ በዐል ኣለ እት እንተ ተኣመጸኒ ትነብር ህሌት” እት ትብል ትወሰክ።

ዓመተን ምን ሰነት 1975 ኣክ 1978 ዲብ ድጌ ወኪድባ ሌጤ፡ ዐሳክር ኣቶብየ፡ ምን 120 ነፈር ለዘይዶ እት ቀትሎ፡ 19 ብዕዳም ህዩ ኣመስከነዎም።



ወጣቶች የግራንድ ተስፋ ትዕቢት ሕግግ ልዩነት



ምን መጀመሪያ ልጅ ሆኖ ልጅ ሆኖ ልጅ ሆኖ

ወጣቶች የግራንድ ትዕቢት እግር አዋጅ 2025፡ ሰንበት 09ይ 16 ፈብርዋሪ እንደ ስታድዮም አሰማሪ እንደ ገብአየ ክልሉ ትልህ ተመ። እሴ 12 ፈሪቅ ለከምከመ ጅግረ፡ እግል ፍረቅ እብ ደረጃቱ እንዴ ቀየመ እት ክልሉ መጀመሪያ ከም ልትካፈል ለወደ ዐለ።

ለሐሰት በቃዐት ሆኖ ለትበሀለው አርበኛ ፈሪቅ መጀመሪያ 'ሀ'፡ እብ ናይ መጀመሪያ ትልህ ታም ቶም ጅግራሆም ለአትመመው። እት ናይ አቅሊም ምግብ አግደ መትገግረት ለዐለው ፍረቅ አዋጅ ደንደን ወተኢሚናት እት ገብኡ፡ ናይ አክር ትልህ መጀመሪያ ወደደ።

ደንደን ሆይ፡ እት ክልሉ ናይ መጀመሪያ ትልህ ታም ሰበት ኢትቀለበዩ እብ ንቀጥ ታምም ተን ሚዳን ለትከረዩ። ሰለሰ ንቅጠት ሌጠ ለዐለዩ እለን ተኢሚናት ሆይ፡ ላዝም እግል ልቅለበ ዲብ በን ቱ ለአተዩ። ምንመ ልትዐወተ፡ እብ ዝደድ ሐምስ ጎል እግል ልቅለበ

ዐለ እለን። ሰበት እሴ ለትልህ ሰኒ ከብደት ዲብን።

እት አወላይ ሾት ተኢሚናት እብ ትልህ ሰኒት ምንመ ተሐረከዩ ጎል ላት ይአተዩ። ዲብ ካልኣይ ሾት ሆይ፡ 11 ደቂቀት ክም ሐልፈዩ፡ ደንደን ጎል እብ ኣድዶም አተብርሃን ሰበት ረከበዩ ሚርሒት ተአልበጠዩ። እት 82 ደቂቀት ምስጋና መሓሪ ጎል ሰበት ደግመት እለን፡ ደንደን ዐውቴሆን ደረዐዩ።

መተልህያይት ተኢሚናት ናኣሚ ዐቕባይ፡ እት 89 ደቂቀት በቃዐት ለአርኤት እብ ጎል ብሕቶተ እግል ትልህ ታላ ጸብጠ ላኪን፡ ደንደን እብ ምስጋና ጎል ሰበት ሰለሰዩ፡ 3 እብ1 ተዐወተዩ። ራሄል ሚካኤል ሆይ፡ ናይ እለ ትልህ ለሐሰት መተልህያይት ገአት።

ወእብሊ፡ ፈሪቅ አዋጅ ደንደን ናይለ መጀመሪያ ለሐሰ ፈሪቅ እብ ሴዕ ንቅጠት ታማት ገብኡ። ሰንበት ንኢሽ ሽርከት ሰንን ለቀልበዩ ቅዋት ጀው፡ እብ

ሰበ ንቅጠት መዳለየት ነሐሰ ወተኢሚናት ሳልሳይት መዳለየት አስራዲ ረከበዩ።

ናይ መጀመሪያ ለሐሰት መተልህያይት ፈሪቅ ደንደን ፍትሓዊት ዮሃንስ እት ገብኡ፡ ሐምስ ጎል ለሰጀለት ወለት ፈሪቅ ምስጋና መሓሪ እብ ብዝሐ አግዋል ሰልፋይት እንዴ ገብአየ ጀዋእዝ ፍንቱይ ተህየበዩ። ለሐሰት ሓርስ ጎል ሆይ፡ ምን ፈሪቅ ሰንን ሰፋኒት ጸጋይ ተ። ከለን ለሐሰዩ መተልሂት ናይ ሐምሐምስ አልፍ ነቅፈ ጀዋእዝ ነሰአዩ። ምን አወላይ አስክ ሳልሳይ ለትረተብ ፍረቅ ሆይ፡ 35,000፡ 30,000 ወ25,000 ነቅፈ ጀዋእዝ ከሰበ።

ሰማን ፈሪቅ ለዐለ ዲበ መጀመሪያ 'ለ' እት ክልሉ እንዴ ትካፈለዩ ምንን ለሐልፈዩ እግል ካስ ተልህዩ። ለትቀለበው ፍረቅ ዐንሰበ ወንዳይፍ እግል ናይ ደረጀት



ገጀረት ዕዉት ፈሪቅ መጀመሪያ ልጅ ሆኖ ልጅ ሆኖ

ተልህው ወዐንሰበ ተዐወተዩ። ለትዐወተዩ አዋጅ ፍረቅ ገጀረት ወግብለት ሆይ፡ ማሌ-ለሀ ናይ አክር ትልህሆሆን ወደዩ። ፈሪቅ ገጀረት ቀደም ዕርፍ እብ ዩሰሪ ኢብራሂም ጎል ወሐቀ ዕርፍ ክልኦት

ጎል ሰበት ሰጀለዩ፡ ገጀረት 3-1 ተዐወተዩ።

ፍረቅ አዋጅ ዐንሰበ ወግብለት፡ ናይ ወርቅ ወነሓስ መዳልያት ክም ትሰርገያመ፡ ዕላቃት ዓም ናይለ ጅግራታት ለሐብር።

ነይማር ንትዮ ሐ' ቀ?

እት አወላይት ሰኖታት 2010ታት ሐቀለ እት ናይ ብራዚል ፋሪቅ ሳንቶስ ለአርአዩ ለትአትዐጅብ መቅደረቱ፡ ቀልብ ርዶል ማድሪድ ወበርሰሎን ለልትራካብ እቱ ብዙሕ ፍረቅ አርብ ለዐባዩ እግል ልሰለብ ቀድረ። እት ወሬሕ ማዮ 2013 ሆይ እት በርሰሎን ትሐሳረ።

እበ ለዐለት እግሉ መውሀበት ምልክት ኮበራት፡ እግል እት ዶል ለሀይ እብ ሮናልዶ ወሚሲ ብሐት ለዐለ ጀዋእዝ ብሕቶት እግል ልትሓወሉ ወምኑ ወኪንመ ኖሱ እግል ልብሐቱ መስኢት ብዝሓም ዐለ። እብ ዐቢሁ ሆይ እግል እት 2002 ካስ ዐለም ሐቀለ ነሰኣት፡ እግል ብዙሕ ሰኖታት ለኢትረዩሐት ዐዱ ብራዚል፡ እት ለትትአመር እበ ለትወቀለት ርሽመት ኮበራት እግር እግል ልብለሰ ወካስ ዐለም ለአትሐቅፈ ወግም ብዝሓም ዐለ።

ምናተ ነይማር፡ ሐቀለ ናይ 10 ሰኖታት ሄራር እት ኤርቤ ለትሰኣ ምኑ ሰኢዮብ ገረሚሕ እንዴ ገብኡ ወክም መታክል እንዴ ሓለፈ፡ እት ከረም 2023 እት ናይ ሰዑድዩ ፈሪቅ አል-ሀለል ተዐደ። ዲበ ሐልፈው 18 ወሬሕ ሰባዕ ትልህ ሌጠ ዲብን ትረኡ። ቀደም ወሬሕ ገብኡ ሆይ ለዐለት እግሉ እትፋቅዩት እንዴ አትከራመ ትሳርሐ። እት መኣንብቲት መንገኣት ፕሮፌሽናል ለከሰት እሉ ፈሪቅ ሳንቶስ ሆይ ዕቅቡል ሀለ።

እት ሳንቶስ ለአርአዩ መቅደረትመ፡ ምልል መውሀበት ለትምል፡ አሳሰ ብራዚልዩን መተልህየት ወዲብ ሽዋሬዕ ዐደም ለጠዉረ ትልህ መቅደረት ኮበራት እግር ተ። እት ሄራሩመ ለሐሰት ገበይ እበ ብጉስ ዐለ። ሰበቡ ሆይ፡ ለገረመ ሀደፍ እዲን “ፑሽሽ” እት 2011 እንዴ አተ፡ ዲብ እሕትፋል ጃኢዝት ባሎን ዲኦር ልትዐወት እብ እት ሀለ፡ ለሐሰ መተልህያይ ግብለት አሚራካመ ትበሀለ እብ። እት ደውሪ

ናይ ዐዱ ወኮፓ ለበርታዶርሴ ክምሰልሁመ እት ካስ ፍረቅ እዲን ለአርአዩ መቅደረት ሰሚቱ ምን ዐዱ እንዴ ሐልፈት እት አርብ ቃሎት እግል ቲዴ አንበተት።

ለሐሰት ወቅት ኩረት ነይማር፡ ለናይ በርሰሎን ሂራሩ ቱ። ወድ 21 ሰነት ክምሰል ገብኡ እት በርሰ አተ። ምሰል ሚሲ ወእተ ፈሪቅ ለዐለው መትልሂት እግል ልትሓበርመ ወቅት ኢነሰኣ ምኑ። እግል እዲን ኮብ ሐዲስ ክምሰል መጽኦ ባሸረዩ። ክሰሰን ሊዊስ ሰዋዜዝ እት ሰነት 2014 ምን ሊሽርፑል ክምሰል መጽኦም፡ ኤም ኤስ ኤን(MSN) ለትሰመ ከዋ ሀጃም ድቁብ አሰሰው። ወምሰል ለሐሰ ወቅት ሓለፈው። እብ በኑ እግደ መተልህያይ እግል ልግበኡ ቀድረ። ሚርሓይ መተልህያይ ለኪን ይዐለ። ሕሽመት ዘይደት እግል ሚሲ ትትህየብ ክምሰል ዐለት ትትፈቃድ። ሚሲ ምሰል ሮናልዶ እት ኩሉ መጃላት እት ልትጃገር ሆይ፡ ተረት ናይ እሴ እግል አታይ ጎል ለኢልትገህፍ ብራዚል ለትዕራ ይዐለት።

8 ማርስ 2017፡ ላኪን እግል ፈገር ነይማር ለአትሻከትት አምዕል ክምሰል ዐለት ልትሐበር። እት አወላይት እግር ትልህዩ ደውራ ሻምፕዮን አርቤ ፈሪቅ በርሰ እብ ፒኤሰጂ 4 እብ 0 ትቀለበ። በርሰ እት ካልኣይት እግር ዐጃይብ እበ እግል ትትበህል ለትቀድር 6 እብ 1 እግል ፒኤሰጂ አጀገሐዩ። ወበርሰ እብ ጀሚሮ ንቀጥ ወአግዋል 6 እብ 5 እንዴ ቀልበ አስክ ርቦ ነሃየት ለሐልፈ እቱ ወቅት ቱ። እትለ ትልህዩ ዝደድ ለገብኡ መተልህያይ ሐዘት ነይማር ውቅል ዐለት። ክልኦት ሀደፍ እብ ሰሚቱ ሰጅል እት ሀለ፡ እት 95 ደቂቀት ሰርጅ ሮበርቶ ለሰጀለዩ ሀደፍ ወለዐወተዮም ለሀንደሳመ ኖሱ ነይማር ቱ።

ነይማር እሴ ኩሉ ዲብ ልተልሂ በክት ገብኡ ኢረክበ፡ እት ባሎን ዲኦር



ዐርቀይ-ሕሽመት ዓርግ ኢኮን። ምናተ እት ሰነት 2017 ለቀለ መተልህያይ እዲን ለአትበለዩ 222 ሚልዮን ዩሮ እብ ትዘበ። ሐቀሀ ለሐሰ መተልህያይ እግል ልግበኡ እት ለሰኣ ዲብ ፈሪቅ ፒኤሰጂ ተሓበረ።

እትሊ ፈሪቅ እት ጸንሐ እቱ ወቅት ላኪን፡ ሰብ ማል እሴ ፈሪቅ እበ ወድው እሉ ለዐለው አተግቃር፡ እት ደለዕ ሰበት ካረዩ፡ መቅደረቱ እግል ለአርኤ እት ጀርብ እቱ አውካድ በክቱ ገብኡ ኢሰኡ ልትዘበዋ ወጀረሕ ሳድፋ። ምን ጀረሕ ክም ለአቀብል አግደ መተልህያይ ቱ፡ ላኪን ሚርሓይ እግል ልግበኡ በታተን ኢደቅበ።

እት ሰነት 2023፡ ሮናልዶ ወሚሲ ኢኮን ምን ዐርሾም እግል ልክረዮም፡ ሐቱመ ኢነት ለሐሰ መተልህያይ እዲን እንዴ ኢልትሰሚ፡ ምን አርብ ፈግረ ወአስክለ ማል ብዙሕ ለደፊዕ ደውራ ሰዑድዩ ነክሰ። እትሊመ ሰባ ትልህዩ ሌጠ ዲብን አብሀዘ። ወእብ ሰብ ትሉሉይ ጀረሕ፡ እብ መፋሀመት ኖሱ እትፋቅዩቱ ምሰል ፈሪቅ አክተመ ወትሳርሐ።

እብለ ወእብ ሉሀ፡ ነይማር ብዙሕ ለልትሀደግ እብ አሕዳስ በ። ክምሰል ሰኒ ብጉስ ዐለ፡ ሐቀ ሮናልዲዮ እቱ ሌጠ ለሀሉት መቅደረት ምልክት ኮበራት እበ እት ሰጅል ለሐሰው መተልሂት እግል ልእቱ ለዐለት እሉ፡ ብራዚል ዐዱመ ዩምክን እት ካስ እዲን 2026 እንዴ ተሐረ ሐቀ ዐወተዩ፡ እብ አዜ ለልትርኤ ቱ። ሰበቡ፡ እት ኩረት ለኢሳድፍ ሰበት ይሀለ።

እስታዝ ዩቀብ ዕመር

ናይ ኮበራት እግር፡ ኢንተርናሽናል ዳይናታት ባቶ ተህየበው



ወጣቶች ፈደሬሽን ኮበራት እግር፡ እግል እድንደያም ዳይናታት ምን ፈፋ ለትነደኦ ዲቦም ባቶ ሰነት 2025 ሀበዮም። እትሊ ክል ሐል ለልትነደኦ በርናምጅ ሂበት ባቶ፡ ሰለሰ አንሳት ለብእቶም 13 ዳይን እግሉም ተህየበ። ለዳይናታት፡ ፊፈ እበ ለአምሩ መቃዩስ በቃዐት፡ ዓፍዩት ገሮብ ወቅድረት ቶም ለሐልፈው።

ለዐደድለ ዳይናታት ምስለ ናይ ደዓም ሐቱ ክም ቱመ ተአመረ። ዐደድ ዳይናታት እግል ልንቀስ ኢቀዲሩመ ተአመርተ ጅህግ ትሩድ ወለሸቅል ሰኒ እግል ልሄርር ገብኡ ለሀለ ካድም ክምቱ ልትሸረሕ። ለምዕል ለሀ ሰእየት ለቡ ሻብ ዳይን ሄኖር ተሰፋይ፡ ምን ፈደራል ዳይን እት ኢንተርናሽናል ለትዐደ ዲበ ዐለት።

ዐውለመት ወዐቂብ ጅንሰየት

እት ብዝሓት ድወል ምውዳቅ ጸሓይ አፍሪቃ ለህለው ሸባብ፡ ህግደ አብዕቦታቶም እብ ስሜት ሌጣ ቶም ለልክሙረ፡ ህግደ አብዕቦታትኩም ሚ ተ እንዴ ትቤ ሐቆ ትሰኣሎም፡ “ አብዕቦታትኑ ክእነ ለትመሰል ህግደ ልትሃገው ዐለው፡ ሕነ ላኪን ኢነአምረ?” ልብሎ፡ ኖሰ ኖሶም እብ ህግደ ፈረንሳይ ልትሃገው፡ ከትቦ፡ ልሸዕሮ ልክል፡ ለሐሉ ወልልሐና፡ አወላይ ሞጅ ዐውለመት፡ መደት እስትዕማር አሮቤ ምን 17ይ ክፈል ዘበን፡ እት አሮብ ተጠውር ሰናዓት (industrialization) ክም መጽኢ፡ እግል ሰናዕት ለነፌሶ ለትፈነተ ሓጃት (raw materials) እግል አንተሀዘት፡ ረኪሰት ሐሊት አዳም ወዕዳገ ፋይሐት፡ እግል ልርከቦ አሮብዩን እግል ለትፈናተ ቃራት እንዴ ወ’ረው እት ሐንቲ እስትዕማርም እግል ለአተወን ቀድረው፡

እስትዕማር አሮቤ እብ ስሜት ተጠውር ናይ ብዝሓም ንኣይሸ ሙጅተመዓት ህግደ፡ ዓዓት ወነባሪ ምን እዲነ አስረተ፡ ብዝሐ ዓዓት ግርመት ናይ ወድ አዳም ክም ቲ እት ሐሳብ ዶል ተኣቲ፡ ሰሪት ናይ እሊ ሀገሊት ወዓዓት፡ እግል ሰብኡ እብ ዐቢሁ፡ ወክሰሰን እግል እዲነ አክል አዩ ከሳር ዐባይ ክም ቲ እግል ፍሂም ክቡድ ኢኮን፡ ህግደ ወዓዓት ምስል ጅንሰየት ዱቅሪ ቲ ለልትጸብዮ፡ እብ ናይ ኖሱ ህግደ ለኢልትሃ፡ ለኢልሸዕር፡ ለኢኮትብ፡ ለኢለሐሌ፡ ወእብ ናይ ዓዓቲ ለሐን ለኢልተል፡ ናይ ኖሱ ነባሪ ወቅየም ለአለቡ፡ ናይ ሙጅተመዓት ብዕድ ህግደ ወዓዓት እንዴ ለእመ ለገይሰ ነፈር፡ ጅንሰየት ቡ ኢልትበህል፡ ጅንሰየት ለአለቡ ህዩ ክም ይህላ ቲ፡ አብዕቦታትኑ ህግደም ወዓዓቶም እንዴ አብድው ህግደ ወዓዓት ናይለ ለአስተምርም ለዐለ ጥልያን እጽንኣምን ምን ለዐሉ፡ ሚ ጅንሰ ጅንሰየት ወዕቅልየት ወህሌት እግልን ገብእ እንዴ እንቤ ሐቆ እንፈክር፡ ከባደት ናይለ ጋር እግል ንፍህም ክቡድ ኢኮን፡

እዚ’መ እትለ መደት እለ ዐውለመት ምነ ካልቀቲ ለህሌት አሸቃል ዐባዩ፡ ዐቂብ ዓዓት ወሀገሊት ሐቲ ምኑ ተ፡ ዐውለመት እግል ፅላመት ግርመት ወድ አዳም ላቶም፡ ብዝሐ-ገባይል፡ ዓዓት ወቅየም መጅተመዓት እዲነ፡ እብ ካምል እንዴ መስሐት እግል ኢትአብድዩ ፈርሀት ህሌት፡ ሐብሬ ቲክኖሎጂ ለመልከው ቅዋት እዲነ ዓዓቶም ወተእሲሩ ምን ቅያሰ ወለዐል ዓማይ እንዴ ገብእ መጽእ ሰበት ህሌ፡ እት ድህር ደረጃት ተጠውር ለህለው መጅተመዓት ህግደም፡ ዓዓቶም ወቅየምም እግል ልዕቀቦ ክቡድ እምትኣን እግል ልሳድፎም ክምቲ መፍሁም ቲ፡ እት መጃል እቅትሳድ ወቲክኒክ ቅወት አዳምክ እንዴ ጠወርኩ፡ ዐውለመት እት መንፈሳትክ አውዐሉት ቀሊል ምን’መ ኢገብእ፡ ምኑ ለትከብድ ምህመት ላኪን፡ ጅንሰየትኩ ዓዓትክ

ወቅየምክ እንዴ ሐጠዋክ ናይ ዐቂብ ወጠወርቲ ሰኣል ቲ፡ ሰበቡ፡ ዓዓቲ ወቅየም ለአብድ፡ እብ እቅትሳድ ምን ልትጠወርመ ጅንሰየት ቡ እግል ልትበህል ኢቀድር፡ እት ኩሉ መጅተመዓት ለህለው ሸባብ ናይ እለ መደት አብዕቦታቶም ለአጽንኣም ቲ ሀገሊት፡ ዓዓት ወቅየም፡ እት መደቶም እንዴ በጽሐ እግል ኢልብዴ፡ ናይ ዐቂብ ወጠወርቲ ክብድት መስኡልየት ረፍዓም ክምሰል ህለው እግል ለአምሮ ወጅብ፡

ዐውለመት እለ ለትዘከረት ፈርሀት ለትከልቅ ምንመ ትገብእ፡ እብ መጅቡ ዳብጠቲ ለህሌት አብኮት ብዞሕ ክምሰል ህለ አመርት ምህም ጋር ቲ፡ ዐውለመት ለአምጸኣቲ ለትወቀለ ተጠውር ቲክኖሎጂ ሐቆ ቀደርካሁ ወባሰርክ እቲ፡ ዓዓት እግል ንጠውር ወንዕቀብ አብኮት ርሒብ ከልቅ፡ ህግደክ ምስለ ለህለ ተጠውር ቲክኖሎጂ ክምሰል ትሄርር ውድየት ወእት ኮምፕዩተር እንዴ አቲት እግል ትሸቂ ለልክተቅድር ሶፍትዌር ሰነዖት ምሮ ምኑ ቲ፡ እት ጠወርት ፈን ወዓዓት ሸቅየት፡ ወምስል እዲነ ዲብ ልትዋሰል ለገይሰ እቡ አግቦይ ባሰርት፡ ብዕድ እብ ዝያድ መትኢያሰ እግል ልትከደም እቲ ለወጅብ መጃል ቲ፡

ንዩት ዐቂብ ጅንሰየት ወዓዓት ሐቆ ህሌ፡ ዐውለመት ፈርሀት እግል ትክለቅ ኢትቀድር፡ ፈርሀት ክምሰል ኢትከልቅ ለልክክድ፡ ጃፓን ወቻይነ ክምሰል መሰል እግል ንንሰእ እንቀድር፡ እት ዕሉም ወቲክኖሎጂ መጦርለ ሰልፋያት ድወል እግል

ትሉሉይ ጨቅዋ ቀሊል ይዐለ፡ ለአማን እለ ዲብ እንተ ላኪን፡ ሸዑ ሎረትርየ ዓዓቲ ወጅንሰየቲ ዝያድ ለልክሸም ሕቡን ሸዑ ሰበት ቲ፡ ዋይዲባት መስተዕምረት ፈሸለ፡ እግል ሕርየት ወጠኑ ለአምጽእ እተ ወደዩ ንዓል ትሩድ፡ ዓዓቲ እግል ዐቂብ ወጠወርትመ እብ ቀሊሉ ለኢልትቀየም ንዓል ወደ፡

እት መደት ንዓል፡ ኤረትርዩን ሸባብ፡ ታሪክ ወዓዓት መጅተመዓም ለልክምል ወራታት ዓዓት ወፈን ወዱ ዐለው፡ ፍቲ ወጠን ለልክዘይዶ፡ ጅንሰየት ሐበን እት ከለቅ ወውሕደት ወጠን እት አተረዶት፡ ናይ መዳፈዕት ዓዓት እት አውረሶት እብ ለትወቀለት ደረጃት ትነፍዐ እቡ፡ ወራታት ዓዓት ወፈን ክምሰል ኤረትርዩ፡ እት መደት ንዓል ሕርየት እብ ዋጅብ ለትጎፈዐ እቡ ህለ እግል ልትበህል ኢቀድር፡ ወራታት ዓዓት ወፈን እት ዐውቲ ሰውረት ሌጠ እንዴ ኢገብእ፡ እት ሕፍዘት ስያደት ወዐማር ወጠን ተረት ዐባይ አውቀ ወልአወቂ ህለ፡

ኤረትርዩን ሸባብ፡ ኬትብት፡ ሙልሕኒን፡ ሹዐረኒ፡ ረሳሚን፡ ሙመሰሊን ወብዕዳም ፈናኔን፡ እበ እለ ስም መቅደረት እት ተቅዩር ወተጠውር ሕርየት እቅትሳድ፡ እት ሸቂ ዶል ትርኢ እብ አማን እብ ጅንሰየትክ ትትሐበን ወትሸንን፡

እብ ፈድል’ለ እት ወራታት ፈን ለገብእ ትሩድ ጅህድ፡ ኤረትርዩን እተ ረዩም ንዓል ሕርየት ወመርሐለት ብነ ወጠን፡ ምንለ ለህለ እግልን ብዝሐ ዓዓት ሰኒሁ እንዴ ሐፊኑ ሐቲ ስርግልት ዓዓት ወጠን



ልትረተብ ቀድረዩ፡ ዓዓትን ወቅየምን እንዴ ዐቅባየ ትጠወረዩ፡ ምን ዓዓት እዲነ ለሐሰ እት ነሰእ ህዩ፡ ጅንሰየቲ ለዐቅብ ተጠውር በዮ፡

ሸዑ ኤረትርዩ’መ፡ እት መጃል ዐቂብ ዓዓት ወጅንሰየት እብ መሰል ለልትሰሚ ቲ ምን እንብል አትራዛቅ ኢኮን፡ ሐር እንዴ ዐቅባልን ታሪክን ሐቆ እንርኢ፡ መጦር ለትፈናተው መስተዕምረት ወጠንየት ኤረትርዩ እግል አስረቶት ለአመመ፡ ስያሰይ፡ እቅትሳድያይ ወዐስከርያይ ዋይዲባት፡ ክምሰል ሸዑ፡ ዓዓቲ ወጅንሰየቲ እንዴ ምሐኩ፡ ህግደ ወዓዓት መስተዕምረት እግል ለአስብቅ ለገብእ እቲ

እግል ንጠውር ቃድራም ህሌ፡ እለ ወጠንያይ ዓዓት፡ እግል ወጠንየት ወጅንሰየት ኤረትርዩ ዝያድ ክምሰል ትብርህ ዋይህ ህለ፡ ሰበቡ ህዩ፡ ምን አሳሱ ጅንሰየት እብ ዓዓት’ቲ ለልትሸረሕ፡

ምሮ ሸዑ ወሐቲ ዱለት እግል ትግበእ ገብኣክ ምንገብእ፡ ለአሳሰ ዓዓት ቲ፡ እብ ከኣፎ ምን እንብል፡ እግል ክሉ ከፈፍል ሙጅተመዕ ለወክል ጥወር ወጠንያይ ዓዓት ለኢጠወረ ገበል፡ ናይ አማን መዕነት ለበ ዱለት እግል ለአቂም ኢቀድር፡ እምበል ዓዓት ለትትከለቅ ወለትሰብት ሐያት እጅትማዕየት ሰበት ይህሌት፡



ወራታት ፈን እት ዐቦት ቅየም መጅተማዕ ተረቲ ዛይደት ቲ፡ እብ መጅብ እለ ልትርኢ እት ህሌ፡ ኤረትርዩን እት ቀበት ዐድ ወካርጅ እንዴ ትክመው ለወድወ ወጠንያይ እሕትፋላት፡ ዓያድ፡ ፈርያት ፈን እት ለአትናይት፡ እት ዐቂብ ወጠወርት ዓዓት ለህሌት እግሉ ሐዞት እብ ቀላል ኢትትቀየም፡ እት ወጠንያይ መናሰባት፡ እብ ዓመት ፈናኔን ወሸባብ ክሰሰን፡ እት ዓዓት መጅተመዓም ብሐሰ እንዴ ወደው፡ ሸዑ ለልክፈፊሕ ፈርያት እግል ልቀድሞ እተ ለወድው ጸገም ትሩድ ወመዕጸም፡ ፈን ዐድነ እት ተጠውር ሰኒ ልሄር ክምሰል ህለ ልክርኢኩ፡

እበ እንዴ አግናዕነ እግል ንትፈገዕ አለብኩ፡ ሸባብ ጽበጥ ዓዓቶም እንዴ ሐንፈለው እግል ለአፍጉሩ፡ እት መንጠቀትኑ ወእዲነ መትጃግራይ ፈርያት እቡ እግል አብሀዞት ህዩ ዲመ ጸገም ሳፊ እግል ሊደው ስም፡

ዓዓት እምበል እት አከዶት ሀለዮት ጅንሰየት ለቡ’ተ ምህመት፡ አሳሰ እቅትሳድያይ ወስያሰያይ ንዛምማ ቲ፡ ሰበት እለ፡ ጥወር እቅትሳድያይ ወስያሰያይ ንዛም እግል ልትከለቅ ለልክምም ሸዑ፡ ላዝም እግሉ ለናሰብ ወለከድም ዓዓት እግል ልጠውር ልአትሐዘዩ፡ ሕኩመት ኤረትርዩ እግል እለ አማን እንዴ ፈህመት፡ መጦርለ እቅርሳድያይት ወስያሰያይት ብንየት ወጠን፡ ወጠንያይ አህዳፍ ወመባጽሕ ለአሳሰ፡ እት አስብቶትመ ናይ ሕበር ዐቅልየት ወፈዛዕት ዝያድ ለሰዴ፡ ዳይም ጥወር ወጠንያይ ዓዓት እግል ብንየት፡ እብ ዝያድ መትሐሳር ለትከድም እቲ ጋር ቲ፡ እት ዓዓት ወፈን ለልትሐሰሮ ወለከድም ሸባብ ህዩ፡ እለ ህደፍ እንዴ ትፈህመ፡ እብ በደን ለገብእ ወእብ ሕበር ለልክፈርም ፈርያት ፈን፡ ተረቲ ምን አግዐሞት ሐያት ወኪን፡ ምስል ዐቂብ ዓዓት ወጅንሰየት ትርድት መትጃግጥ ለቡ ወጠንያይ ጋር ክምሰል ቲ እንዴ ፈህመው፡ ትሉሉይ ጅህድ፡ ጠወርት ምህነት፡ አምር ወቅድረት ወሰኮት፡ ፈርያቶም እብ ጅንሰ ውብዝሐ እንዴ ጠወሩ እግል ሊጊሶ መስኢት ገብእ እቶም፡ ለከሰሰም አፍረዐት ሕኩመት ወመጅተመዕ ህዩ፡ ናይ ዓዓት ወፈን ወራታት፡ ተእሲሩ እት ቀየርት ሙጅተመዕ፡ ተረቲ ወወቀዩ፡ እት አዝሀርት ወጠንያይ አህዳፍ ወመባጽሕ እንዴ አመርኩ፡ ሰኒሁ እት ነዕቅብ ወናቀሰቲ እት እንሰዬሕ ወነአተምም፡ ትሉሉይ ተቅዩም ወንማም እት እንወዴ እግል ሸባብ ናይ አትናያት ወወጅሆት አግቦይ እግል ለአተላላ ምህም ቲ፡

ዴማት ሐዳስ ኤርትራ የቀብ ዕመር